



# Maamawi-dazhiikigaadeg Giiwedinong

Bimi-ayaawin Ozhiitaawin  
Giiwedinong Ontario

Gichi-anama'egiizhiganigiizis 2020





# Ge-dazhinjigaadeg Omaa Mazina'iganing

Ogimaa Owiindamaagewin.....	2
Enishkaagemagak GOOBID-19.....	3
Nitam Wiindamaagewin.....	5
Gaa-dakoobii'igaadeg Wiindamagewin.....	6
Gaa-wii-debinamowaang.....	7
Iwe Gaa-dazhinjigaadeg Giiwednong Ontario.....	8
Aaniin wenji-andawendaman bimi-ayaawin ozhiitaawin Giiwednong?.....	11
Giiwednong Ontario: Gaa-zanagendaagwak gaye Ge-onizhishingiban.....	13
Giiwednong Ontario ozhiitaawin.....	22
Gaa-wii-debinigaadeg 1: Awiyaag ji-babaami-ayaawaad ji-waabandiwaad.....	23
Gaa-wii-debinigaadeg 2: Ji-onji-ozhi'ind Zhooniyaa.....	27
Gaa-wii-debinigaadeg 3: Weweni Ji-ayaawaad Awiyaag gaye Ji-minoseg Bimi-ayaawin...29	
Gaa-wii-debinigaadeg 4: Ozhiitaang Ani-akiiwang.....	33
Gaa-wii-debinigaadeg 5: Ji-ganawenjigaadeg Ge-minoseg Bimi-ayaawin.....	35
Gaa-wii-debinigaadeg 6: Ji-onizhishing Bimi-ayaawin Waasa Giiwednong.....	37
Wiidanokiimindwaa Godak Awiyaag Gaa-dagwiiwaad.....	39
Miinawaa Ge-izhichigeng.....	40



## Niin Caroline Mulroney

Ogimaa  
Bimi-ayaawin

# Ogimaa Owiindamaagewin

Giiwedining Ontario gaa-ayaawaad odapendaanaawaa bimi-ayaawin endaso-giizhig – maagizhaa gikino'amaagooyin Sudbury, gemaa zhooniyaakeyin Animiikii-Wiikwedong gemaa gichi-anishinaabewiyin Whitesand, daa-gagwe-wendan ji-babaami-ayaang, ji-gashkitooyin ji-izhaayin waa-izhaayin.

Ningikendaamin ezanagak bimi-ayaawin Giiwedining. Waawaasa ayaawan dazhiikewinan, gichi-izhiweban gaye gii-biboong gaye iwe gaa-izhinaagwak aki onji-zanagan ji-babaami-ayaang.

Mii gaa-onji-ozhitooyaang owe Giiwedining Ontario Bimi-ayaawin Ozhiitaawin. Awashime 60 gegoonan da-dazhinjigaadewan ji-onji-bimi-ayaawaad awiyag gaye nawach niibiwa ji-izhi-bimi-ayaang giwedining dazhiikewining gaye ji-onji-zhooniyaakeng ozhichigaadeg bimi-ayaawin Giiwedining.

Nawach babenak da-onji-babaa-ayaanaaniwan giwedining owe izhichigeng. Ninaanaagadawaabandaamin aaniin nawach ge-izhi-onzhishing ji-gashkitoowaad ji-izhaawaa gaa-dananokiiwaad awiyag gaye mino-ayaawin gaye wiiji'iwewinan. Amii gaye ezhichigeyaang ji-aabajichiganiwid ishkode-odaabaan Giiwedining ji-babaa-ayaang.

Ningikendaamin waasa Giiwedining dazhiikewining, gaye Anishinaabe Ishkoniganing, e-andawenjigaadeg ji-minoseg ji-babaa-ayaang aaniindi go. Ni-wii-wawezhitoomin bibooni-miikanawan gaye ji-wawezhichigaadegin bimise-wigamigoon nawach babenak ji-gashkitoowaad awiyag imaa gaa-daawaad ji-debinamowaad mijiman wegonen igo gaye wiiji'iwewinan.

Amii mayaa ezhi-minoseg owe ji-izhichigeng noongom gidakiikaaninaang. Da-ani-minose zhooniyaakewin ani-ishkwaa-ayaamagak iwe GOOBID-19 aakozi-win, da-ozhichigaadewan miikanawan ji-onji-gaanjiseg zhooniyaakewin ozhichi-gaadegin gegoonan gaye anokiiwin ji-ayaamagak Giiwedining. Nawach ji-mangademongin miikanawan nin-ga-izhichigemin nawach ji-gizhiiseg bimi-ayaawin, nawach gaawiin ji-bitakoshinzigwaa gaa-bimibizowaad gaye gaa-bimiwijigewaad nawach ji-minosewaad.

Ni-wii-wiidanokiimaanaanig oodenaansing, Anishinaabe dazhiikewining, Baakwaa 'ishii-dazhiikewining gaa-daawaad gaye bimi-ayaawin gaa-dazhiikamowaad gaye Ontario Giiwedining Bimi-ayaawin Izhichigewin, anokiiwin gaye zhooniyaakewinan nawach ji-minosemagak bimi-ayaawin imaa.

Wiidanokiimidiyin, ningikendaan ji-onzhishing bimi-ayaawin miziwe omaa Giiwedining Ontario nawach ji-babaami-ayaaniwang nawach ji-minoseg.

# Enishkaagemagak GOOBID-19

Iwe aakoziwin GOOBID-19 onji-maanzhisemagan niibiwa gegoon omaa gidakiikaaning, Giiwedining Ontario zhooniyaakewining inake. Niibiwa wanashkwese gegoon gaawiin iwe gi-gii-izhisesiimin angobiboon aazha gaa-izhiseg. Gaa-dazhiikewaad omaa Giiwedining Ontario onji-ojaanimendamoo enishkaa-gemagak iwe aakoziwin odazhiikewiniwaang gaye bimi-ayaawin.

Iwe GOOBID-19 onji-zanagisemagan bimi-ayaawin e-wanised zhooniyaa miziwe omaa Giiwedining Ontario. Gaa-bimiwidoowaad ini bimi-ayaawinan niibiwa zhooniyaan ometinaawaan e-on-dinamowaad gegigishkigaadegin (PPE) gaye bekichigewinan. Gaawiin noon-gom aa'azhawishkaasiwag bezhig dazhiikewin ji-izhaad miinawaa godak dazhiikewining onji (ICB) ngojigo 50 gaye 85% aaniinda egibitinamowaad ndawaa bimi-ayaawin. VIA Ishkode-odaabaan gaawiin bimi-ayaasii Giiwedining Ontario, memindage Sudbury gaye dash White River Waabi-Ziibing. Iwe Ontario Giiwedining Bimi-ayaawin Izhichigewin (ONTC) o-gii-gibitinaan Polar Bear Express gaa-izhaamagakiban Moozoniing April 7, 2020 gii-izhiseg, gii-maa-jii-bimibizo dash June 25 gii-izhiseg miinawaa.

GOOBID-19 iwe gaa-gii-gibitiniwemagak bimisewin Gaanada Akiing. Gaawiin aapji bagidinigaadesinon ji-babaami-ayaang waasa agaamakiing gaye omaa gidakiiminaan, gaawiin waasa izhaasiwag awiyag anishaa go, amii dash ezhi-bookoshkaamagak bimisewin omaa Ontario gaye bakaan ngoji. Niibiwa bimisewinan gaa-agaasingin omaa Giiwedining Ontario gaawiin aapji bimisewiwag, niibiwa ogibitinaanaawaa gemaa gaawiin aapji bimisewiwag.

Mii dash ono gii-gibitiniigaadegin ezhi-maanzhibijiganiwiwaad Giiwedining Ontario gaa-ayaawaad ishkoniganing, gaawiin aaniish odayaasiinaawaan miika-nawan gii-niibing, gii-biboong eta. Gaa-agaasingin gaa-bimisemagak aabajichigaadewan gaye gii-biboong gaa-inamokin mikomiing ji-izhiwijiigaadeg mijim, waasiganibimide, nibi, mashkiki, mino-ayaawin gaa-anokiwaad, gikino'amaagewin, dibaakoniwewin, gaye zhooniyaakewin.

Ontario imaa Ogimaawiwini Bimi-ayaawin (MTO) odibendaanan 29 bimisewigami-goon Giiwedining Ontario wenji-ayaamagak bimisewin gabe-gikinoonowin ji-izhaanaaniwang giiwedining ishkoniganing. Megwaa GOOBID-19 gii-ayaamagak, MTO gii-miigiwe miinawaa \$4 miniyan das-waabik ji-aabajichigaadegin ini bimisewigami-goon giiwedining waasa.

August 2020 gii-izhiseg, Bimi-ayaawin Gaanada gii-miigiwe \$75 miniyan daswaa-bik ningodwaso-giizis ji-wiji'indwaa bimisewinan gaa-agaasingin giiwedining ishkoniganing gaa-izhaamagak, ji-wiji'indwaa akiikaaning gaa-ayaawaad. Ontario gaye Bimi-ayaawin Gaanada wiidookodaadiwag ji-nanaando-gikendamowaad izhichigewin ji-wiji'indwaa gaa-agaasingin bimisemagak anishinaabe ishkoniganing gaa-izhaamagak Giiwedining Ontario NIsidawinigaade aaniish Gaanada ogimaawiwini onigaaniitaan bimisewin, Ontario dash o-da-wiidanokiimaa' ini ogimaa' ji-ziidoshkamowaad bimisewin ji-babaa-ayaawaad awiyag gaye ji-bimiwijiigaadegin gegoonan Giiwedining Ontario.

Ontario gaye Gaanada Ogimaawiwini gii-miigiwewag \$1.6 biniyan daswaabik ini 144 dazhiikewinan ji-wiji'indwaa bimi-ayaawin gaa-anokaadamowaad gaye \$943 miniyan daswaabik gaye dash gegaa \$666 miniyan daswaabik ji-wiji'indwaa igi gaa-agaasingin odenawan ji-bimiwidoowaad bimi-ayaawin iwe Gaa-onizhishing Giiwe-maajichigaadeg Nakobii'igan. Awe dash zhooniyaa, giiwedining gaa-ayaagin odenaansan \$35 miniyan daswaa-bik da-miinaawag ji-bimiwidoowaad bimi-ayaawin gaye \$76 miniyan daswaabik miinawaa. Awe zhooniyaa da-wiji'iwemagan ji-mino-ayaawaad awiyag giiwedining dazhiikewining gaa-ayaawaad ayaamagak bimi-ayaawin maagizhaa aakoziwaad gemaa gegoon izhisewaad.

Megwaa ayaamagak owe gichi-aakoziwin, waasa gaa-bimaawadaasowaad omaa Ontario o-da-bimiwidoonaawaan gegoonan gichi-miikanaang. Zhaagooch dash gaawiin aapji aabachichiganiwisiwag igi gichi-odaabaanensag ozaam e-booni-aabajii'aganiwiwaad gemaa gaawiin aapji. February biinish April 2020

gii-izhiseg, 10,900 anokiiwinan imaa bimiwijigewining gii-wanichigaadewan, 9% minik gii-wanise anokiiwin.<sup>1</sup> Gaa-bimaawidaa-sowaad gaye gii-zanagisewag ozaam gii-giba'igaadegin ge-izhi-gibichiiwaad gii-bimibizowaad gaye zaaga'amoowigamigoon gichi-milkanaang. Amii dash Ontario gaa-izhi-wiidanokiimaad ini bimaawidaasoning ga-anokiiwaad ji-gagwe-gwayakos-idoowaad gaa-izhi-ositaawisewaad, ji-ayaamagakin ge-izhi-gibichiiwaad, ge-izhi-anweshinoowaad gaa-bimibizowaad omaa akiikaaning. Nin-ga-ozhitoomin 10 oshki-miiziiwigamigoong gaye nin-ga-wawezhitoomin 11 ini ge-izhi-gibichiiwaad gaa-bimibizowaad Giiwedionng Ontario 5 biboon izhiseg.

Megwaa GOOBID-19 e-zanagi'iwemagak, onji-gikendaagwan epiichi-gichi-inendaagwak ji-ozhichigaadeg bimi-ayaawin daabishkoo miikanawan omaa Giiwedionng Ontario. Iwe bimi-ayaawin Giiwedionng gichi-inendaagwan ji-bijigaadeg mijjim ji-ayaa-waad awiyag deminik ge-mijjiwaad. Zhooniyaa imaa asind ji-ozhichigaadegin miikanawan da-onji-ozhi'oomagan ano-kiiwin besho omaa dazhiikewining. Asind gaye zhooniyaa ji-gashkitoowaad awiyag ji-ando-anokiiwaad da-onizhishin biinish aaniish niibiwa awiyag miinawaa da-maajii-anokiiwag. Asaaganiwid gaye zhooniyaa giiwedionng bimisewigamigong da-onjise anokiiwin gaye da-onji-zhooniyaaakenaniwan Giiwedionng gaye ini daabishkoo Polar Bear Express Anishinaabeg ji-ondinamowaad ge-aabajitoowaad ge-wijigowaad gaye. Nin-gikendaamin megwaa

gii-ayaamagak iwe GOOBID-19 aakoziwin, giiyaabi gii-gashkichigaade ji-bimiwijigaadegin gegoonan daabishkoo mijjim ji-onji-zhooniyaa-akenaniwang akiikaaning.<sup>2</sup> Ishkode-odaabaan gaye gitaabadizi ji-bimiwi-jigaadeg gegoon, ji-wijii'indwaa mitigokewin gitigewin gaye asiniikewin gaa-ano-kiiwaad gaye ji-ayaamagak waasiganibimide ge-aabadak Giiwedionng.

Owe gaa-wii-biminizha'igaadeg bimi-ayaawin da-onizhishin ji-maajii-zhooniyaa-keng miinawaa Giiwedionng Ontario ani-miinoseg zhooniyaaakewin ishkwaseg iwe aakoziwin.

1 [Statistics Canada Anokiiwin Nanaandawaabanjigewin, May 2020](#)

2 [Gaa-gii-izhi-maanzhisesigwaa wiinawaa Great Lakes gichi-jiimaan bimiwijigewin megwaa GOOBID-19, gii-ayaamagak October 28, 2020, tvo.org.](#)



# Nitam Wiindamaagewin

Bimi-ayaawin Giiwedining Ontario ayaawan miikanawan, bibooni-miikanawan, ishkode-odaabaan bimisewin gaye ziibiin zaaga'iganiin gaa-izhi-bimi-ayaawaad awiyag ji-anokiiwaad, ji-ondinamowaad wiiji'iwewin gaye ji-babaamaadiziwaad. Ji-apenjigaadeg ji-onizhishingin miikanawan izhi-ziidoshkaagemagan zhooniya-kewin omaa Giiwedining Ontario.

Owe Giiwedining Ontario Bimi-ayaawin Gaa-wii-izhichigeng (ge-biminizha'igaadeg) da-wiiji'iwemagan ji-ozhichigaadeg bimi-ayaawin omaa Giiwedining. Gaa-dazhiikewaad omaa Giiwedining o-da-gashkitoonaawaa ji-babaami-ayaa-waad ji-onizhishing, gaye ji-onji-zhooniyaakenaaniwang. Owe ge-biminizha'igaadeg waabanjigaadeaaniin ge-izhi-ozhichigaadeg ge-onizhi-shing bimi-ayaawin miziwe ji-nagishkodaadiwaad awiyag gaa-ayaawaad omaa. 67 dasinon ge-izhichigeng ji-bimi-ayaawaad awiyag gaye ji-bimiwijigaadegin gegoonan, nawach ji-minoseg bimisewin bimi-ayaawin Waasa Giiwedining gaye ishkoninganing, ji-zhooniyaakenaaniwang Giiwedining Ontario.

Owe da-biminizha'igaade gaye ji-aanjibi'igaadeg ngoding aaniish naa da-aanjise ngoding gegoon, ji-wiiji'indwaa gaa-daawaad Giiwedining Ontario. Ni-wii-wiidanokiimaanaanig Gaanada Gichi-ogimaawiw, gaa-agaasingin odena-wan, Anishinaabeg, dazhiikewinan, oko-izhichigewinan, bimi-ayaawin gaa-anok-aadamowaad gaye gaa-zhooniyaakewaad ji-wiindamaagoowaang aaniin wiina-waa enendamowaad, ji-gojitoowaang gegoon bakaan, ji-izhichigeyaang gaa-izhi-sing imaa mazina'iganing gaye gegoon bakaan geminochigaadegiban.

Owe ge-bimin-  
izha'igaadeg waa-  
banjigaadeaaniin  
ge-izhi-ozhichi-  
gaadeg ge-onizhi-  
shing bimi-ayaa-  
win miziwe  
ji-nagishkodaad-  
iwaad awiyag  
gaa-ayaawaad  
omaa.



# Gaa-dakoobii'igaadeg Wiindamagewin

Ji-ayaamagak bimi-ayaawin Giiwedonong 60 gegoonan da-izhichigenaaniwan ji-mangichigaadegin miikanawan gaye wiji'iwewinan, ji-zhooniyaakewaad gaa-ayaawaad Giiwedonong, weweni ji-bimaadiziwaad gaye ji-bimi-ayaawaad waasa gaa-ayaawaad awiyag gaye Anishinaabe ishkoniiganan. Nawach ge-apendaagwak gaye ge-nagishkodaading bimi-ayaawin da-wiji'iwemagan ji-bimiwijiigaadegin gegoonan gaye awiyag ji-izhaawaad gaa-dananokiiwaad gaye ji-bimiwinindwaa gaa-aakoziwaad.

Da-ningodwaachinon ge-izhichigenaaniwang ji-ayaamagak bimi-ayaawin:

Gaa-wii-debinigaadeg 1: Ji-maajii-babaami-ayaawaad awiyag ji-izhaawaad dazhiikewining.

- Da-wawezhichigaade Gichi-miikana 69, noongom michi-niizhinoon gaa-apizong, da-niwinon, nawach gaye bas gaa-izhinikaazowaad gichi-odaabaanag ji-bimi-ayaawaad dazhiikewining, ji-gashkitoowaad awiyag ishkodaading gabi-odaabaanag gaye ji-aabajiiawaad Giiwedonong.

Gaa-wii-debinigaadeg 2: Ji-gashkichigaadeg Ji-zhooniyaakeng

- Ontario onandaweendaan ji-ziidoshkaagemagak zhooniyaakewin, ji-ozhichigaa-degin nishwaaswi miikanawan Giiwedonong Ontario ji-onjiimagakin anokiiwinan gaye ji-onjised zhooniyaa gii-izhichigeng.

Gaa-wii-debinigaadeg 3: Weweni ji-bimi-ayaawaad awiyag gaye ji-ayaamagakin godak bimi-ayaawinan.

- Nin-ga-wiidanokiimaanaanig iwe gaa-inanokiiwaad, gaye Anishinaabe dazhiike-winan gaye oko-izhichigewinan gaye godak awiyag ji-gikenjigaadeg e-odaapinin-dwaa ikwezensag ikwewag e-adaawaazowaad ngoji, gaye ji-ozhichigaadegin gaa-onishishingin ge-izhi-gibichiing gii-bimi-ayaang Giiwedonong.

Gaa-wii-debinigaadeg 4: Ozhiitaang Ani-akiiwang

- Owe ozhiitaawin da-onji-aanjise bimi-ayaawin aabajichigaadegin oshki-aya'in gaa-aabadakin noongom. Daabishkoo Ontario da-miigiwe \$680 miniyang daswaabik ji-adaawenaaniwang gaa-gizhaatabiseg ji-aabajichigaadeg daataanginagan gaye giigidowinensan.

Gaa-wii-debinigaadeg 5: Ji-ganawenjigaadeg geminoseg bimi-ayaawin

- Owe gaa-wii-debinigaadeg da-onji-zhooniyaakenaaniwan gaye da-ganawenjigaa-deg aki ge-aabajitoowaad awiyag ani-akiiwang. Maawach gaa-oshki-aya'iawang gaa-onji-gikenjigaadeg ezhiwebak agwajiing gaye wiindamagewin da-aabajichigaade ji-onji-minoseg bimi-ayaawin ozhichigaade-gin miikanawan aaniish gaa-izhiwebak agwajiing gegoon onji-izhise. Akiikaan gaye o-dagagwe-gibitinaan gii-dagoshinoomagakin maji-gitigaanan waasa agaamakiing gaa-onjiimagakin jiiigikana gaa-nitaawigingin.

Gaa-wii-debinigaadeg 6: Ji-onizhishing ji-apenjigaadeg bimi-ayaawin waasa Giiwedonong dazhiikewining

- Da-wiji'aaganiwiiwag gaa-anokaadamowaad waasa giiwedonong bimisewigami-goon aaniish aazha ani-gibichisemagan iwe GOOBID-19 aakoziwin, ji-wiji'indwaa Waabizheshi-Baawitigong gaye Webikwe Ishkoniganing gaa-ayaawaad e-wawezhitoowaad omiikanaawiwaan gabe-niibin ji-aabadakin gaawiin eta biboong ji-dagwiiwaad Ring of Fire asiniikewin.

Amii omaa ezhi-ozhitoowaang babenak ji-ayaamagak bimi-ayaawin ge-aabaji-toowaad awiyag gaye dazhiikewinan Giiwedonong Ontario. Ni-wii-wiidanokiimaanaan gichi-gaanada ogimaa, odenawensan, anishinaabe dazhiikewinan gaye oko-izhichigewinan, baakwaa'ishii-dazhiikewinan, bimi-ayaawin gaa-dazhiikamowaad, anokiiwin gaye gaa-zhooniyaakewaad, ji-wiinda-maagoowaang enendamowaad owe gaa-wii-gagwe-debinamaang. Gi-ga-wiji'aanaanig awiyag ji-babaami-ayaawaad, ji-dagoshinowaad endanano-kiiwaad, gaye ji-mawadisaawaad odinawemaaganiwaa gaye owiji'iiwaaganiwaa.

# Gaa-wii-debinamowaang: Izhichigewinan Giiwedining Ontario



## **Ji-mangademongin miikanawan izhichigewinan**

gaye imaa bangii Gichi-miikana 69,  
Gichi-miikana 11/17 gaye  
Gichi-miikana 17.



## **Jii-ozhichigaadegin oshki-ONTC ge-izhaawaad bas odaabaanag**

Imaa Waabi-ziibiing gaye  
Animikii-Wiikwedong gaye imaa  
Animikii-Wiikwe-dong gaye  
Miskwaagamiwiziibiing



## **Ji-asind zhooniyaa ge-aabaji'i bimisewigamigong**

Ji-ziidonindwaa waasa  
gaa-ayaamagakin anishinaabe  
dazhiikewinan



## **Ji-asind zhooniyaa ji-ozhichigaadegin ge-izhi-gibichiing miikanaang**

Daabishkoo babenak  
ji-izhichigaadeg  
ge-izhi-gibichiwaad  
gichi-odaabaanag



## **Ji-ziidonigaadeg zhooniyaaakewan GOOBID-19 gaa-gii-gib- itiniwemagak**

Ji-asind zhooniyaa bimisewigami-  
gong, bas-ing, miikanawan gaye  
aazhoganan



## **Ji-aanikanootamaageng G1 gagwedwewin 3 anishinaabemowinan.**

Gaye dibinawe anishinaabe  
ishkoniganing



## **Gaye ishkode-odaabaan ji-wiiji'ind ji-bimibizod miinawaa**

Gaye ji-dazhiikigaadeg  
ishkode-odaabaanikana  
giiwedining waabanong inake.



# Iwe Gaa-dazhinjigaadeg Giiwedinong Ontario

Giiwedinong Ontario imaa Parry Sound gaye Nipissing onji-maajise biinish giiwedinong gaa-izhi-madaabiing Hudson Bay gaye James Bay. Owe minik inigokwaa 802,000 daso-diba'akaan<sup>2</sup> – daabishkoo gaa-inigo-kwaag Spain gaye Italy gemaa Gichi-mookomaanakiikaanan Michigan, Ohio, Indiana, Illinois gaye Wisconsin. Gegaa 90 % imaa Ontario apiichi-inigokwaa Giiwedinong Ontario, 807,000 dash minik dashiwag bemaadiziwaad.

109 dasinon anishinaabe ishkoniiganan gaye 16 wiisaakodewininiwag ezhi-ayaawaad odoozhibii'igewigamigowaan imaa Giiwedinong Ontario. 130,000 ayaawag anishinaabeg ngojigo 70% gaawiin ishkoniiganing daasiwag, oodenaang ayaawag.

Imaa gaye Giiwedinong Ontario baatiinowag gaa-baakwaa'ishiimowaad; ngojigo 16% gakina gaa-daawaad omaa ikidowag baakwaa'ishiimowin e-gii-giigidowaad gii-agaashiinzhiwaad.<sup>3,4</sup>

Ontario Giiwedinong Manitooba onji-maajii-ayaamagan ningaabii'anong biinish Quebec wedi waabanong, 24,000 awiyag daawag imaa, 90% anishinaabewiwag. Amii ezhising imaa *Waasa Giiwedinong Inaakonigewin* gaye 42% iwe Ontario e-ayaamagak. Gaawiin aapji ayaamagazinon bimi-ayaawin, ji-bimiseng eta aabajichigaade anishinaabeg e-bimisewaad gemaa e-aabajitoowaad miikanawan gaye ishkode-odaabaan gaa-izhi-bimibizod. Bibooni-miikanawan ayaamaganon 31 anishinaabe ishkoniiganan waasa giawe-dinong gaye Oodena Moozonii imaa gichi-miikanaang –

e-ayaamagak bimi-ayaa-win niso-giizis endaso-gikinoonowin. Ono dazhiikewinan odapendaanaawaan bibooni-miikanawan ji-bijigaadeg mijjim nawach gaye waasiganibimide, nabagisagoog, mijjim gaye nibi geminikwaadeg.

Gii-zanagendaagwanon zhaagooch ini bibooni-miikanawan ngoding gii-giba'iga-adehin, gaawiin aapji ji-bimiwijigaadeg gegoon, gaye gii-gichi-izhiwebak ako ngoding, amii iwe gaa-izhi-zanagiseg bimi-ayaawin Waasa Giiwedinong anishin-aabe ishkoniiganan. Ani-andawendaagwanon gabe-niibin gabe-biboon ge-aabadakin miikanawan Waasa Giiwedinong, ozaam niibiwa e-inagindeg bimiwidaasowin, gaye gii-gichi-izhiwebak gaye iwe Ring of Fire asiniikewin, ji-gitaabajichigaadeg aabajichigan.

Omaa dash nawach Besho Giiwedinong, zhaawanong inake, ayaawan miikana-wan gaye ishkode-odaabaanakana, bimisewigamigoong gaye jiigewi. Omaa Besho Giiwedinong ayaawan nawach gaa-michaagin odenawan daabishkoo Animikii-Wiikwedong gaye Baawitigoong, Timmins, Sudbury gaye Giiwedino- Wiikwedong. Gaa-izhising imaa 2016 Sensas, imaa giiwedinong waabanong, ngojigo 20% gaa-ayaawaad awiyag baakwaa'ishiimowag gii-ikidowag gaye gaa-michaagin odenawan baatiinowag baakwaa'ishag, daabishkoo Hearst (87% gaa-baakwaa'ishiimo-waad), Timmins (36%) gaye Sudbury (25%).



Gegaa 90 %  
imaa Ontario  
apiichi-inigokwaa  
Giiwedinong  
Ontario, 807,000  
dash minik  
dashiwag  
bemaadiziwaad.

3 Ezhising imaa Statistics Canada, gaa-gii-izhigiizhweyin gii-agaashiinzhiyin gii-gik-enjigaade endaayin gii-abinoojiiwiyin giyaabi dash ginisidotaan iwe apii gii-gagwedweng.

4 Statistics Canada, Sensas Waabanjigewin, Sensas 2016.



# Iwe Gaa-dazhinjigaadeg Giiwedinong Ontario



## Awashime 800,000 awiyag

Awashime 802,000 diba'akaan  
(Eko-baatiinowaad: 1 awiya/diba'akaan<sup>2</sup>)



## 7% Ontario gaa-dashiwaad maamaw,

Ngojigo 13%  
Anishinaabeg



## Awashime 50% Giiwedinong Ontario awiyag

Daawag gichi-oodenaang



## 24,000 awiyag Waasa Giiwedinong,

90% Anishinaabewiwag




## Anokiiwinan:

Asiniikewin, mitigokewin, gitigewin,  
ozhichigewin, babaami-ayaawin

# Agindaason 1: Giiwedining Ontario

## Bimi-ayaawin Miikanawan gaye waasigan daabishkoo



### Ezhibii'igaadeg

- |  |   |  |   |
|--|---|--|---|
|  | Anishinaabe Ishkonigan                        |  | Gichi-miikanawan                                |
|  | Ring of Fire Gaa-izhinkaadeg Asiniikewin      |  | Anokiwi-miikana                                 |
|  | Waasa Giiwedining dibaabanjigan               |  | Bibooni-miikanawan                              |
|  | <b>Gaa-aabadakin Ishkode-odaabaanikanawan</b> |  | Godak gabe-gikinoowin miikana                   |
|  | Bimiwidaasowin                                |  | <b>Jiimaaning inake</b>                         |
|  | Bimiwidasowin gaye Gaa-boozi'indwaa           |  | Gaa-izhi-gabaang jiimaaning                     |
|  | <b>Bimisewin</b>                              |  | Odaabaanensag gaa-boozi'indwaa gichi-jiimaaning |
|  | MTO Bimi-ayaawin                              |  | Oodenaans                                       |
|  | Ogimaawiwini                                  |  | Waasa Agaamakiing                               |
|  | Gaawin gakina awiya                           |  |   |

Gaawin mayaa izhibii'igaadesinooon akiimazina'igan  
November 2020 gii-maajiseg

**Agindamog:**  
Ji-michi-waabanjigaadeg inaabadan owe akiimazina'igan.  
Ontario Ogimaawiwini gaye ogimaag gaa-dibendaagoziwaad,  
gaa-anokaadamo-waad gaye anokiimaaganag gaawin  
daa-anaamenimaasiwag wanibi'iganan



# Aaniin wenji-andawendaman bimi-ayaawin ozhiitaawin Giiwedining?

Ontario onisidawinaan niibiwa zanagendaagwan Giiwedining eta. Giiwedining dazhiikewinan odapendaanaawaan miikanawan ozaam dash waaw-aasa ayaamaganoon dazhiikewinan, ginwesh gaye baboon, gaye gichi-ayinaabik-aa, emitigokaag gaye, e-ayaagin niibiwa zaaga'igan izhi-zanagan bimi-ayaawin. Mii dash gaye ge-onji-minosegiban ji-ozhichigaadeg babenag dinookaan bimi-ayaawin ge-wijiigowaad gaa-daswewaaganakin anokiiwinan gaye dazhiikewinan gaa-izhi-daawaad awiyag Giiwedining Ontario.

Ontario gaye nanaandosinii gaye iwe asiniikewin noongom gi-gichi-onji-zhooniy-aakemin, awashime 72,000 e-anokii'indwaa awiyag. 2019 gii-izhiseg, \$10 biniyan daswaabik asiniig gaa-gichi-inenimindwaa gii-moo-na'aaawag 22% minik Gaanada gaa-moonawaad ini dinookaana.

Iwe Ring of Fire Asiniikewin daa-gichi-inendaagwan moona'siniing inake omaa Ontario noongom gaa-akiiwang. 2016 gii-izhiseg gii-nanaandogikenjigewag Centre for Spatial Economics gaa-izhi-nikaazowaad, nitam 10 daso-biboon izhiseg Ring of Fire Asiniikewin 5,800 awas-hime anokiiwinan da-ozhichigaadewan, da-zhooniyaakemagan \$14.6 maamaw bi -niyan daswaabik gaye \$218 miniyen daswaabik akiikaan da-zhooniyaakemagan. Amii eta owe bezhig gaa-mikoojigaadeg zhooniyaakewin, niibiwa dash, omaa Giiwedining ge-onji-andawenjigaadeg wenizhishing bimi-ayaawin.


Giiwedining Ontario gaa-ayaamagakin dazhiikewinan

daabishkoo gaye ishkoniig-ganan, bibooni-miikanawan gaye bimisewin aapiji gichi-inendaagwanoon ji-onji-debinigaadeg waasiganibimide, miijim, gaa-gitaabajichigaadeg gaye wiji'iwewin. Bakaan dash gaa-ani-izhiwebak wenji-ani-zanagendaagwak gii-ani-dakwaak baboon. Zhaagooch o-daa-gashkitoonaawaa gaa-daawaad Waasa Giiwedining imaa Ontario ji-aabajitoowaad gaa-bimisemagakin ji-bimi-ayaawaad. Bimi-ayaawin gidoonji-ziidoshkaagoomin ji-debinamang miijim ji-ondaadiziwaad Giiwedining gaa-ayaawaad.

Andawenjigaadeg bimi-ayaawin Giiwedining Ontario ge-aabadak aanji-izhiwebak ani-akiiwang ji-aabajichigaadeg oshki-iyayii noongom gaa-ayaamagak. Owe ozhiitaawin da-onji-ayaamagan ge-aabajichigaadeg oshki-aabajichiganan daabishkoo odaabaanensag gaa-bimibizoomagakin amii ge-onji-aanjiseeg gaa-izhi-bimaadiziwaad awiyag, ji-anokiiwaad ji-bijigoziwaad omaa akiikaaning.

Ini zhooniyaakewinan gaa-ayaagain Giiwedining Ontario bimi-ayaawin da-anda-wenjigaade ji-bimi-ayaagin gegoonan gaye zhooniyaakewin. Owe bimi-ayaawin ozhiitaawin omaa Giiwedining Ontario ayaamagan ge-izhichi-geng ji-ayaawaad awiyag gaye zhooniyaakewinan gaye ishkoniiganan bimi-ayaawin ge-aabajichigaadeg noongom gaye ani-akiiwang.

Owe ozhiitaawin dagoshinoomagan omaa Giiwedining Ontario gaye akiikaan-ing megwaa e-ishkwaa-badagoshkaagoying iwe nitam GOOBID-19 aakoziwin. Owe akiikaan wii-wiji'iwemagan ji-ziidonindwaa



Owe bimi-ayaawin  
ozhiitaawin omaa  
Giiwedining  
Ontario ayaamagan  
ge-izhichi-geng  
ji-ayaawaad  
awiyag gaye  
zhooniyaakewinan  
gaye ishkoniiganan  
bimi-ayaawin ge-  
abajichigaadeg  
noongom gaye  
ani-akiiwang.



awiyag gaa-daawaad omaa Giiwedinong Ontario gaye gakina gaa-ayaawaad Ontario GOOBID-19 onji. Akiikaan o-da-wiidanokiimaa' ogimaawining gaa-ayaanid, gaa-dagwiiwaad, anishinaabeg gaye dazhiikewinan, baakwaa'ishag gaye gakina awiya go ji-ayaa-magak gaa-zoongak bimaadiziwin omaa, ji-ayaamagak bimi-ayaawin ge-apenjigaadeg.

## **Giiwedinong Ontario**

### **Bimi-ayaawin Miziwekamig**



**Awashime 11,000 km**

miikanawan akiikaaning



**5 gichi-odaabaanensag  
bas gaa-inindwaa**

omaa Giiwedinong Ontario



**65 bimisewigamigoon  
gakina ge-aabajitoowaad**

1 gichi-bimisewigamig

35 nawach gaa-agaasingin  
bimisewigamigoon

29 gaa-agaasingin bimisewigamigoon

Waasa Giiwedinong ge-  
aabajichigaadegin wedi 27 ishkoni-ganing



**Jiigibiig gaa-izhi-boozing  
jiimaaning**

Animikii-Wiikwedong, Baawitigong,  
gaye Meldrum Bay



**Gaa-boozonotaagewaad  
gaye bimidaasowin  
wiji'iwewin**

gaa-dagwiiwaad VIA Rail ishkode-  
odaabaan, Ontario Northland bas, CN  
gaye CP



# Giiwedinong Ontario: Gaa-zanagendaagwak gaye Ge-onizhishingiban

## Daa-apenjigaade gichi-miikana gaye miikana nawach gaa-agaasing

Ontario omiikanawan daa-onji-babaa-ayawag bemaadiziwaad gaye ini zhooniyaa-kewinan, awashime 11,000 im ayaagin gichi-miikanawan akiikaan gaa-naagaji-tood Giiwedinong Ontario. Gichi-miikana 11, Gichi-miikanawan 69/400 gaye Gichi-miikana 17 maawach gaa-aabajichigaadegin ji-oditang awiya gichi-oodena gaye anokiiwinan gaa-ayaama-gakin miziwe akiikaaning, 7,400 km godak gichi-miikanawan ayaawan e-aabajichigaadegin Giiwedinong Ontario ji-oditamowaad oodenawan. Akiikaan gichi-miikanawan gaa-babaa-inamokin nawach daa-michaa iwe ge-inamokibaniin, gaa-dagwiiwaad, gaa-wiidanokiimiwewaad, anishinaabe dazhiike-winan gaye ogimaawinan ji-ozhitoowaad gaye ji-naagajitoowaad. Mii gaye gaa-dazhinjigaadegin godak ozhichiganan daabishkoo Gichi-mookomaa-nakiing gaa-izhisingin aazhoganan, bibooni-miikanawan, mitigokewin miikanawan gaye anokiiwi-miikanawan, odenaansing miikanawan, Giiwedinong Ontario Resource Trails (NORT), miikanawensan gaye ishkoniganing gaa-inamokin.

2020/2021 izhiseg, akiikaan \$625 miniyaa daswaabik da-miigiwe ji-mangichigaa-degin gaye ji-wawezhichigaadegin giiwedinong miikanawan gaye aazhoganan, ngojigo 4,370 anokiiwinan ji-ayaagin Giiwedinong Ontario. Iwe ogimaawiwina aazha omaajitoonaawaa ji-mangichigaadeg giiwedinong gichi-miikana daabishkoo Gichi-miikana 11/17 Animikii-Wiikwedong gaye Nipigon gaa-inamok gaye Gichi-miikana 69 zhaawanong inake Sudbury. Ngojigo \$10

miniyaa daswaabik giiyaabi da-asaa zhooniyaa giiwedinong gichi-miikanawan ji-wawezhichigaadegin e-zhi-ozhiitaad Ontario Action Plan: Enakwechigaadeg GOOBID-19.

Agindaason 2 ozhibiigaadewan giiwedinong gichi-miikanawan ge-mangichigaa-degibaniin anikiiwang gemaa ji-magichigaadeg bimi-ayaawin. Owe akii-mazina'igan waabanjigaadewan ge-ategin 10 oshki-waakaa'iganensan ge-izhi-gibichiing gaye 11 gibichiwinan ge-wawezhichigaadegin 5 biboon izhiseg.

Endaso-giizhig, ngojigo 8,400 dasing gaa-bimaawadaasowaad gichi-odaabaanen-sag bimibizowag giiwedinong akiikaan gichi-miikanaang. Awashime 87,000 gichi-dibaabiishkoojigan izhi-gozigonoon gegoonan awashime \$200 miniyaa daswaabik apiitendaagonoon gaa-bimiwijigaadegin endaso-giizhig. Endaso-gichi-odaabaanens ngojigo 350 diba'akaan bimi-ayaa giiwedinong akiik-aan gichi-miikanaang endaso-giizhig. Andawendaagwan ji-ozhichigaadeg ji-naagajichigaadeg bimi-ayaawin ge-apenji-gaadeg ji-minoseg ji-bimidaasong wiiba ji-dagoshinoomagakin.

Ogo gichi-odaabaanensag gaa-michaanigin bimaawidaasowag (0/0) imaa gichi-miikanawan Giiwedinong Ontario. Ogo (0/0) gaa-bimiwijigaadegin gaa-dazhi-zhooniyaaakeng Giiwedinong Ontario izhiwijigaadewan gaye gaa-bimaabikesingin anaamakamig gemaa godak aabaji-chiganan gii-mookobijigaadeg bimide anamakamig Ningaabi'anong Gaanada gaa-izhi-dazhiikigaadeg. Amii ogo dinookaanag odaabaanensag aabajitoowaad 20% gakina gaa-aabada-kin gichi-miikanawan giiwedinong. Gichi-odaabaanensag ngojigo aabita minik



2020/2021 gii-izhiseg akiikaan gii-miigiwe \$625 miniyaa daswaabik ji-mangichi-gaa-degin gaye ji-wawezhichigaa-degin giiwedinong gichi-miikanawan gaye aazho-ganan 4,370 anokiiwinan ji-ayaawaad gaa-daawaad Giiwedinong Ontario





oda-aabajitoonaawaan ini gichi-miika-nawan ge-ayaagin 2041 izhiseg. Agindaasowin 3 waabanjigaadeg iwe O/O miikana ge-inamok Giiwednong Ontario wedi Quebec gaye Gaanada Waabanong Jiigi-Gichigamiing gaye Manitoba gaye Ningaa-bii'anong Gaanada.

Gichi-miikanawan gaa-ayaagin Giiwednong Ontario aabajichigaadewan ji-aazha-wishkaang Gaanada akiing ji-bimiwijigaadegin gaa-aabadakin gegoonan. Ngoding gibichise bimi-ayaawin gii-maanzhi-izhiwebak agwajiing, gii-giba'igaadeg miikana gemaa gii-bitakoshing awiya, amii ezhi-gibichiseg bimiwidaasowin. Naagajichigaadeg gaye nawach babenak izhichigaadeg bimi-ayaawin gichi-oode-naang gaa-inamokin da-onji-minose zhooniyaakewin. Giiwednong Ontario andawenjigaade ji-zoongakin gaye ji-apenjigaadegin gichi-miikanawan gaye ji-ayaamagakin ge-izhi-gibichiing ji-bimiwijigaadeg gegoon.

### **Andawenjigaade Ji-naagajichigaadegin Miikanawan Apanego**

Ontario nisidawinigaade gii-biboong maawach izhi-zanagendamoo gii-babaami-ayaawaad gaa-bimibizowaad – amii dash wenji-naagajitoowaang maawach ini miikanawan gii-biboong omaa Giiwednong America. Gii-biboong gii-maajii-maanzhi-izhiwegak 30 daso-diba'iganens o-maajii-aabajitoonaawaan odaabajichiganiwaan ji-weba'aagonewaad gichi-miikanaang 24/7. Omaa akiikaaning ji-ayaasig goon gichi-miikanaang 90% gii-biboong izhi-andawenjigaade endaso-biboon miziwe omaa akiikaaning. Ontario owiidanokiimaawaa gaa-inanokiawaad ji-weba'aagonewaad gii-biboong ji-ayaawaad iwe ge-aabajitoowaad gaye ji-gikendaagwak niigaan aaniin ge-izhiwebak jibwaa-maajii-gichi-izhiwebak. Gii-niibing,

Ontario odanokiimaaganiwaa odizhitoonaawaa gaa-izhi-bimoseng gaye gaa-izhi-bimaagoweba'odizong ji-naagajichigaadegin ini. Owe ozhiitaawin ayaamagan ge-izhi-gikino'amawindwaa iwe ge-inanokiawaad, gaye owiidanokiimaawaa ini ge-naagajichigenid, maawach ji-minoseg naagajichi-gewin.

### **Ezhi-andawenjigaadeg jigaanjiseg zhooniyaakewin**

Babaamaadiziwin, mitigokewin, asiniikewin, gitigewin gaye ozhichigewin – amii ono gaa-arendamowaad ji-onizhishing bimi-ayaawin. Ozhichigaadeg ge-onizhishing bimi-ayaawin da-onji-gashkichigaade ji-bimaawid-aasowaad gichi-odaabaanensag ji-onji-zhooniyaakeng omaa gaye bakaan izhi.

Gitaabadanoon ini gaa-izhi-boozitaasong giiwednong bimi-ayaawining ji-bijigaa-deg miijim omaa Gaanada akiing gaye agaamakiing. Gaanada akiing gakina gaa-izhi-boozitaasong Gaanada aki odibaabandaanan. Akiikaan oda-wiidanokiimaan Gaanada aki gaye gaa-naagajitoowaad ini gaa-izhi-boozitaasong Giiwednong Ontario ji-izhiseg ji-aabadakin ini ji-boozitaasong gegoon gaa-aabadakin.

### **Andawenjigaade jigaabooziwaad awiyag gaa-wii-bimi-ayaawaad gaye gichi-odaabaanensag bas gaa-izhinikaanindwaa.**

Omaa Giiwednong Ontario niibiwa awiyag odapendaanaawaa bimi-ayaawin daa-bishkoo bas gaye ishkode-odaabaan ji-babaami-ayaawaad. Ani-akiiwang, gaa-ani-gichi-anishinaabewiwaad o-andawendaanaawaa ji-aabajitoowaad ini basag. Noongom dash gaawiin aapji bimibizosiwig igi basag amii dash ezhi-zanagak aakoziwigamigong ji-izhaawaad gemaa gichi-

gikendaasoowigamigong. Owe nawach da-ani-zanagan apii nawach niibiwa gaa-gitaadiziwaad awashime 70 gaa-daso-biboonewaad ani-baatiinowaad.

Anishinaabeg gaye nawach ani-baatiinowag gaa-oshkaadiziwaad apiich wiin gaa-anishinaabewisigwaa, maawach ani-baatiinowag omaa Giiwedining Ontario. 2017 gii-izhiseg, Gii-Nanaando-gikenjigaade Anishinaabeg Ezhisewaad, bimi-ayaawin dash maawach o-gii-gibendaanaawaa Anishinaabeg gaye Wiisaakode-winiinowag gaye ikwewag awashime 15.<sup>5</sup> gaa-daso-biboonewaad. Daa-o-nizhishin ji-ayaad bas (ICB) dazhiikewining ji-ipizod ji-anokiiwaad awiyag.

Basag gaa-bimibizowaapan gaawin nasine bimibizosiinowag Giiwedining Ontario. Noongom dash ICB gaawin bimibizosiinowag ji-izhaawaad giiwedining dazhiikewining daabishkoo Greenstone/Longlac gaye Hearst. Iwe ONTC owiidanokiimaawaa awiya daabishkoo oodenaawensan gaye gaa-bimi-

wijigewaad, ji-maajii-ipizowaad dazhiikewining gaawin aapiji gaa-gii-izhaasigwaa odaanaang imaa Giiwedining Ontario. Iwe ONTC nawach babenak izhichigewag Giiwedining waabanong Ontario e-izh-aawaad Sudbury biinish imaa White River.

Akiikaan ogimaa onisidawinaan ji-gitaabadiziwaapan igi ICB ji-biidoowaad bimi-ayaawin imaa Ontario. Amii owe ozhiitaawin wenji-wii-atoomagak ICB ji-izhaamagak gaa-izhi-ayaasig-waa bimi-ayaawin awiyag, bizaanigo gewiinawaa ji-babaa-ayaawaad noongom goda megwaa akiikaan gii-miigaadang iwe GOOBID-19 aakoziwin.


5 Statistics Gaanada Anishinaabe Nanaando-gikenimindwaa, November 2018



## **Ji-odisidiwaad gaa-daawaad imaa dazhiikewining Ontario Dazhiikewin Bimi-ayaa-win Zhooniyaa-miigiwewin izhichigewin**

9 dazhiikewinan Giiwedining Ontario gaa-miinindwaa zhooniyaa maamaw \$3.7 miniyen daswaabik Dazhiikewin Bimi-ayaawin Zhooniyaa Miigiwewin 5 biboon. Amii onowe: Atikokan, Naawiyaa'i Manidoominising, Elliot Lake, Manidoowaazh, Waaninaawa-gaang, St. Charles, Terrace Bay, Val Rita-Harty gaye White River. Oodenaansan oda-aabajitoonaawaa awe zhooniyaa ji-wiidanokiimaawaad dazhiikewinini-maamawichigewinan, gaye anishinaabe ishkongiganan gaye maamawichigewinan (Anishinaabewigamigoon, mino-ayaawin gaa-naagajitoowaad) ji-maamawidazhiikamowaad bimi-ayaawin ge-aabajitoowaad.

# Agindaasowin 2: Gaa-onwaadeg gaye ge-ayaamagakin Ge-izhi-gibichiing miikanaang gaye ge-izhi-wawezhichigaadegin Gichi-miikanawan Giiwedining Ontario



**Ezhibii'igaadeg**


	Waasa Giiwedining dibaabanjigan	<b>Gichi-miikanawan</b>		Gichi-miikana
<b>Ge-izhi-gibichiing</b>				Ge-gii-izhi-ozhichigaadeg jJ-mangademokin Gichi-miikanawan
	Gichi-odaabaanensag Gaa-bimaa-wadaasowaad ge-izhi-gibichiowaad			
	Gaa-babaamaadiziwaad ge-izhi-gibichiowaad Waakaa'igan			
	Noongom gaa-ayaagin gaa-izhi-gibichiing			
	Gaa-wii-ozhichigaadegin ge-izhi-gibichiing			
	Gaa-wii-ozhichigaadeg Ge-izhi-gibichiing ge-izhi-wanweshinong			

Gaawin mayaa izhibii'igaadesinooon akiimazina'igan November 2020 gii-maajiseg


**Agindamog:**  
 Ji-michi-waabanjigaadeg inaabadan owe akiimazina'igan. Ontario Ogimaawiwon gaye ogimaag gaa-izhi-dibendaagoziwaad, gaa-anokiitam-aagewaad gaye anokiimaaganag gaawin wii-dibendaziinaawaa ge-maanzhiseg.



# Agindaasowin 3: Ge-izhaawaad gaa-mindidowaad gichi-odaabaanensag gaa-bimaawadaasowaad Giiwedining Ontario gichi-miikanaang



# Agindaasowin 4: Giiwedinong Ontario Gaa-booziswaad Bimi-ayaawin Wiiji'iwewin



**Ezhibi'igaadeg**

- Waasa Giiwedinong dibaabanjigan
- Anishinaabe Ishkonigan

**Bas Ge-ipizod gaa-bimibizo'iwed**

- Kasper & ONTC
- Kasper
- Autobus Maheux - Ajina gibijise
- White River Hearst dash - Ajina gibijise
- Ontario Northland

**Gaa-aabadakin Ishkode-odaabaanikanawan**

- Aagawaa Biindaabikaag Ishkode-odaabaan
- VIA Rail Toronto ji-ipizod Miskwaagamiwiziibiing
- VIA Rail Sudbury ji-ipizod White River
- Polar Bear Express (ONTC)

**Bas Ge-ipizod gaa-bimibizo'iwed**

- Autobus Maheux
- Kasper
- Gaa-baatiinowaad bemibizo'iwewaad Gibichiwin
- ONTC

Gaawin mayaa izhibii'igaadesinoon akiimazina'igan  
November 2020 gii-maajiseg

**Agindamog:**  
Ji-michi-waabanjigaadeg inaabadan owe akiimazina'igan. Ontario Ogimaawiwinn gaye ogimaag gaa-izhi-dibendaagoziwaad, gaa-anokiitam-aagewaad gaye anokiimaaganag gaawin wii-dibendaziinaawaa ge-maanzhiseg.



## Ge-izhi- wawezhichigaadegiban ishkode-odaabaanikana

VIA Rail Ishkode-odaabaan gaye CN gaa-bimibidetood Algoma Central Ishkode-odaabaanikana gaye ONTC boozi'iwewag odaabaaning Giiwedining Ontario. Ishkode-odaabaan boozi'uwe giiwedining ji-bimi-ayaawaad awiyag giishpin aakoziwaad, wii-wiiji'igoziwaad gaye wii-mawadishiwewaad Giiwedining Ontario.

Polar Bear Express Cochrane imaa Moosonee gaa-ipizod, ONTC gaa-bimibidetood, izhi-wiiji'iwewag gaawin awiya bakaan izhitamaagesii gabe-gikinoonowin ji-izhitamaaged bimi-ayaawin. VIA Rail Ishkode-odaabaan izhitamaagemagan ji-booziwaad ji-bimiwidoowaad gegoonan giiwedining dazhiikewining gaye miziwe godak akiikaanan.

Gitaabadizi ishkode-odaabaan ji-onji-zhooniyaakeng gidakiiminaaning. Omaa Giiwedining Ontario ishkode-odaabaan gidaabajii'aanaan ji-bimiwijigaade-gin akiing gaa-ondinigaadegin gaye gitigaanan, nawach ewendagideg ji-bimiwi-jigaadeg waasa. Giiwedining Ontario izhi-wiiji'aawag gaa-adaawewaad gaye gaa-ondinamaage-waad gegoonan anokiiwining onji, imaa ishkode-odaabaanikanaang.

Giiwedining andawenjigaazo ishkode-odaabaan ji-aabadizid ji-onji-wenjisemagak anokiiwin gaye bimi-ayaawin ge-aabajitoowaad gaa-zhooniyaakewaad. Akiikaan owiidanokiimaa' Gaanada ogimaan gaye oodenaansing ogimaawinan gaye gakina gaa-zhooniyaake'idizowaad. Ontario o-gagwe-mikaan aaniin godak ge-onjisegiban ishkode-odaabaan bimi-ayaawin Toronto,

North Bay, Timmins gaye Cochrane inake. ONTC daa-wiidanokiimaawag ji-gizhaatabiseg anokiiwin imaa North Bay ji-gana-waabanjigaadeg giishpin ji-ayaagobanen ishkode-odaabaan ge-bimibizopan imaa ani-akiiwang. Da-gagwe-mikigaade aaniin nawach ge-izhiminosegiban ishkode-odaabaan gaye bas bimibizowin Giiwedining Ontario nawach ji-minosewaad awiyag.

## Giiwedining waabanong bimi-ayaawin nanaando- gikenjigewin

October 23 biinish  
November 20, 2020  
gii-izhiseg, gii-  
wiindamaagewag awiyag  
enendamowaad ge-onji-  
minosegiban bimi-ayaawin  
imaa Toronto, North Bay  
Cochrane gaye Timmins.  
Iwe wiindamaagewin da-  
wiiji'iwemagan akiikaan  
ji-nisidotang aaniin iwe  
bimi-ayaawin ezhi-  
andawendaagwak gaye  
aaniin ge-onji-minosegiban  
nawach ishkode-odaabaan  
gaye bas ji-ayaagin.  
Biboong 2021 izhiseg da-  
wiindamaagewag gaa-  
ikidong.



## Andawendaagwan waasa ishkoniganing ji-oditamang

Aaninda eta dazhiikewinan Waasa Giiwedining odayaanaawaan gabe-gikinoono-win ji-ayaamagakin miikanawan gaye ishkode-odaabaan ji-boozing. Moozhag giiwedining waasa gaa-ayaagin ishkoniganan odapendaanaawaan bibooni-miikanawan January gii-bimangizod biinish March gemaa April. Bibooni-miikanawa aabadanoon ji-onji-zhooniyaakeng gaye ji-mino-bimaadiziw-aad waasa gaa-ayaawaad ishkoniganing. Nawach bangii onji-wendagide gegoon gii-bimiwijigaadeg daabishkoo waasigani-bimide ishkoniganing, ji-bimiwijigaadegin gaa-gozigwakin aabajichiganan gaye ji-anokiiwaad gaye ji-gikino'amawindwaa anokiiwin anishinaabeg gaa-ozhitoowaad ini miikanawan gaye gaa-naagajitoowaad. Akiikaan giyaabi odani-wawezhitoonan bibooni-miikanawan aaniindi go, e-aaba-jitoowaad ge-aazhawi-izhijiwang nibi anaamikana gaye aazhoganan.

Waasa Giiwedining ayaawan 29 bimisewigamigoonsan, 27 ishkoniganing e-ategin e-onji-booziwaad awiyag gabe-gikinoonowin Waasa Giiwedining dazhiike-wining.

Igi gaa-bimiwidoowaad ini bimisewigamigoonsan, MTO ogikendaan aaniin epii-chi-gichi-inendaagwakin ini ji-aabajitoowaad waasa gaa-ayaawaad anishinaabeg. Aabadanoon ini bimisewigamigoonsan awiya gii-gichi-aakozid wewiib gii-izhiwi-nind zhaawanong aakoziwigamigong, gaye gii-zakideg, gaye wiiji'iwewinan gaye dibaakonigewigamigong gii-izhaang, dibaakoniwewin gaye dakoniwewininiwag Niibiwa ini waasa gaa-ayaagin ishkoniganan odapendaanaawaan gaa-agaasingin gaa-bimisemagakin ji-bimi-ayaawaad gaye ji-biidoowaad ge-aabajitoowaad. Gitaabadanoon ji-gashkitoowaad anishinaabeg ji-debinamowaad mijjim gaye waasiganibimide gaye nibi.

E-ani-baatiinowaad gaa-gitaadiziwaad ini bimisewigamigoon da-ozhiitaawag ji-ayaagin ge-onji-inaashi'indwaa zhaawanong awiya aakozid gaye gegoon izhised awiya imaa Giiwedining Ontario. Agindaason 1 ozhibi'igaade iwe Giiwedining Ontario Bimi-ayaawin Ezhichigaad-eg daabishkoo Waasa Giiwedining bimisewigamigoon gaye biboonimiikanawan.





### Izhise ji-ozhiitaang ani-aanjise gaa-izhiwebak

Ontario gaa-izhiwebak agwajiing ani-aanjise, nawach gichi-izhiweban daabishkoo gichi-gimiwan, mikomiikaa, gichi-noodin gaye ginwesh gizhide ngoding. Bimi-ayaawin ezhichigaadeg Giiwedonong da-naniizaanad giishpin gichi-mooshka-'ang, zakideg, gemaa ozaam giizhawaayaag gii-biboong gaawiin dash aabajichi-gaadesingin bibooni-miikanawan. Gakina awiyag gaye gaa-ayaawaad omaa nawach niibiwa da-diba'igewag iwe nawach gichi-izhiwebak. Bimi-ayaawin Ontario niibiwa onji-maanzhichigemagan e-onji-izhiseg ishpiming gaa-onji-zaagjiseg odaabaaning, maanzhichigemagan dash. Ontario gagwe-izhichigemagan gaawiin aapiji ji-ayaamagazinog iwe gaa-zaagji-seg odaabaanensing gaa-maanzhichigemagak ishpiming, 30% minik ji-gagwe-gibitinigaadeg 2005 minik 2030 izhiseg.

### GOOBID-19 Gichi-aakoziwin e-doojigaadeg

Gii-ayaamagak iwe GOOBID-19 Ontario ogimaawiwin gii-ikidowag ji-ozhiitaawaad ji-gagwe-gibitinigaadeg aakoziwin ji-onji-mino-ayaawaad anishinaabeg gaye gaa-dazhiikewaad waasa giiwedonong. Akiikaan gii-miigiwe \$4 miniyang daswaabik ji-aabadizid waasa giiwedonong gaa-ayaagin bimisewigamigoon ji-debinamowaad ge-aabajitoowaad wedi waasa. Akiikaan gaye oda-wiidanokiimaa anishinaabe' wiinawaa gaa-wii-aabajitoowaad ge-izhichigewaad giishpin aakoziwaad iwe GOOBID-19 daabishkoo ji-giba'igaa-degin MTO bimisewigamigoon gemaa bangii eta ji-giba'igaadegin ji-onji-biindi-gesigwaa gaa-aakoziwaad.

# Giiwedining Ontario ozhiitaawin

## Ezhi-andawenjigaadeg ji-izhiseg bimi-ayaawin Giiwedining Ontario

Awiyaag gaye igi gaa-dibendamowaad zhooniyaakewinan gaye anishinaabe dazhii-kewinan Giiwedining Ontario oda-ayaanaawaa bimi-ayaawin ge-onji-gashkitoo-waad gakina awiyag ji-izhaawaad gichi-oodenaang gaye bakaan, ji-onji-mino-ayaawaad, ji-zhooniyaakewaad gaye.

### **Anishinaabe gaye Wiisaakode ji-wiji'idi- waad Giiwedining Ontario**

109 dasinon anishinaabe dazhiikewinan gaye 16 Wiisaakode-dazhiikewinan Ontario (MNO) gaa-okwiinowaad igiwe omaa Giiwedining Ontario e-ganawenda-mowaad Anishinaabe gaye nakobii'igan miinigoowizwinan. Ayaawan Anishinaabe oko-wiji'iwewinan omaa Giiwedining Ontario.

Ogimaawiwini oganoonaa' Anishinaabe' gaa-dagwiinid omaa ji-izhisegin ogimaa-wiwin izhichigewinan gaye dash gaawin ji-maanzhisesinogin Anishinaabe miini-goowizwinan gaye nakobii'iganan, ji-wiidanokiimidiwaad.

Ndoozhiitaawininaan Giiwedining Ontario ayaamaganon 67 dinookaanan gaa-wii-izhichigeyaang ningodwaachiyak ji-debinamaang bimi-ayaawin:

1. Ji-maajii-babaami-ayaawaad awiyag ji-izhaawaad dazhiikewining.
2. Ji-gashkichigaadeg Ji-zhooniyaakeng
3. Weweni ji-bimi-ayaawaad awiyag gaye ji-ayaamagakin godak bimi-ayaawinan.
4. Ozhiitaang Ani-akiwang
5. Ji-ganawenjigaadeg ge-minoseg bimi-ayaawin
6. Ji-onizhishing ji-apenjigaadeg bimi-ayaawin waasa Giiwedining dazhiikewining

Debinamaang iwe babenak bimi-ayaawin Giiwedining Ontario megwaa omaa akiikaaning maajii-mino-ayaaying iwe gii-ayaamagak GOOBID-19 aakoziwin, ji-maajii-zhooniyaakenaaniwang miinawaa. Gaa-wii-debinigaadeg da-wiinjigaade aaniin ge-izhichigenaaniwang ji-gashkichigaadeg gaa-andawenjigaadeg ji-izhiseg Giiwedining. Da-wiji'aawag awiyag gaye gaa-dibendamowaad zhooniyaakewinan ji-mino-aabajitoowaad iwe bimi-ayaawin gaa-ayaamagak noongom bekish dash gagwe-ozhichigaadeg nawach ji-onizhishing bimi-ayaawin ge-aabadak ani-akiwang.







# Gaa-wii-debinigaadeg 1: Awiyaag ji-babaami-ayaawaad ji-waabandiwaad

Mii ezhichigewaad awiyag gaye gaa-dibendamowaad zhooniyaakewinan Giiwedining Ontario ji-aabajitoowaad gichi-miikanawan babaami-ayaawaad. Amii ezhi-andawenjigaadeg ji-asind zhooniyaa ji-minochigaadegin gichi-miikana-wan ji-babaami-ayaawaad awiyag ji-zhooniyaakewaad. Gichi-inendaagwan ji-izhichigaadeg Giiwedining Ontario gaa-ayaawaad ji-gashki-toowaad ji-izhaawaad miziwe akiikaaning gaye bakaan akiikaaning gaye waasa agaamakiing ji-bimi-ayaamagakin gegoonan miziwe Giiwedining.

Awiyaag gaa-ayaawaad gaa-agaasingin dazhiikewinan daabishkoo ishkoninganig odapendaanaawaan basan gaye ishkode-odaabaan ji-gashkitoowaad aakoziwi-gamigong ji-izhaawaad gaye godak wiji'ewinan gichi-oodenaang. Amii gaa-onji-nanaando-gikendamaang aaniin ge-izhi-minochigaadeg bas ji-aabaji'ind, ji-aabaji'indwaa odaabaanag gaye ishkode-odaabaan Giiwedining ji-minoseg nawach ji-babaami-ayaawaad awiyag.

Da-izhichigem ji-mangichigaadegin ini gichi-miikanawan, ji-wawezhichigaadegin miikanawan gaye aazhoganan gaye gichi-odaabaanag gaye ishkode-odaabaan. Mii gaye ogimaawiwini ge-izhichiged ji-gashkichigaadeg ji-wawezhichigaadegin gaye jinaagajichigaadegin 11,900 km gichi-miikanawan gaye aazhoganan ji-babaami-ayaawaad awiyag omaa Giiwedining Ontario.

## Gichi-miikanawan gaye Miikanawan Ji-wawezhichigaadegin

**1.** Ji-gaanjichigaadeg ji-niwi-

## Wawezhichigaadegin miikanawan gaye aazhoganan Giiwedining

2020-21 izhiseg, Ontario gii-miigiwe \$14 miniyani daswaabik imaa 10 giiwedining dazhiikewinan imaa Connecting Links izhichigewin, gaye \$4.9 miniyani daswaabik gii-ikidod Ontario iwe izhichigewin Ozhiitaawin: Enakwechigaadeg GOOBID-19. Owe zhooniyaa wiji'iwe oodenaawan ji-wawezhitoowaad miikanawa gaye aazho-ganan gaa-aanikebizong akiikaan gichi-miikana dazhiikewining gemaa gaa-izhi-aazhidebizong.

miikanaawang iwe Gichi-miikana 11/17 Animikii-Wiikwedong gaye Nipigon gaa-inamog. Ji-mangichigaadeg iwe miikana ji-niiwingin ge-ipizong da-onji-minose miziwe omaa gidakiinaang gaye nawach besho gaye besho gaa-zhooniyaakeng ji-mino-babaami-ayaawaad awiyag gaye ji-bimiwijiigaadegin gegoonan.

**2.** Ji-gaanjichigaadeg jimagichigaadeg Gichi-miikana 69 gii-niizhiwan nitam noongom dash niwinoon, ji-onizhishing miikana Ontario Giiwedining, ji-mino-bimi-ayaang ji-minoseng gaye ji-onji-zhooniyaakeng.

**3.** Ji-mangichigaadeg iwe Gichi-miikana 17 imaa Kenora onji biinish wedi Mani-doobaan akiikaan gaa-izhi-maajiseg. Mangadechigaadeg iwe gichi-miikana noongom niizhinoon ge-ipizong niwini dash wii-achigaadewan

nawach ji-minoseg babaami-ayaawin gaye bimiwijigewin. Akiikaan gaye o-da-ganoonaawaa' gaa-dibendamonid waakaa'iganan miikanaang gaye oodenawan gaye ishkongiganan gaye wiisaakode-dazhiikewinan.

**4.** Da-giizhichigaad Aki Nanaandogikenjigewin gaye nitam inendamowin ge-izhi-naagwak Gichi-miikana 11 wedi biinish Gichi-miikana Cochrane 2023 dagwaagig. Inenjigaade ngojigo 960 odaabaanensag gaye 195 gichi-odaabaanensag endaso-giizhig ji-bimi-ayaawaad imaa ge-waakaamog miikana. Nawach da-onizhishin iwe izhichigaadeg gaawiin aapiji ginwesh da-bimibizosii awiya.

**5.** Da-giizhichigaade ozhiitaang, onwaadeg gaye Aki Nanaandogikenjigaadeg im-aa Little Current Aazhoganing Gichi-miikanaang 6 apii 2021 dagwaagig izhiseg. Iwe aazhogan amii eta ezhi-gashkitoong ji-izhaang Manidoo-minising.

**6.** Da-wawezhichigaadewan miikanawan gaye aazhoganan iwe biminizha'igaa-deg Connecting Links Izhichigewin. Connecting Links ini miikanawan gaa-aanikebizong akiikaan gichi-miikanaang dazhiikewining gemaa gaa-izhi-aazhidebizong.

**7.** Da-mangichigaadewan bimi-ayaawinan gaa-aabajichigaadegin daabishkoo gaa-ipizowaad gaa-bimaagoweba'odizowaad Giiwedining Ontario.

**8.** Da-anokaajigaade Anishinaabe Miikana Izhichigewin (FNRP) gaa-asind \$5.5 miniyani daswaabik endasogikinoonowin ji-ozhichigaadegin gaye ji-wawezhichigaadegin miikanawan ishkongiganing aanind ishkongiganing.

**9.** Da-anokaajigaade Agwajiing Oodenaang Miikanawan Izhichigewin ge-miin-dwaaban 50/50 Naasaab Inendamowin Ji-wawezhichigeng ji-wawezhichigaadegin gaye ji-ozhichigaadegin miikanawan agwajiing imaa ishkongiganing gaawiin gaa-izhi-ayaasinog oodena. 50 % ge-inagindegin ini miikanawan wiinawaa enendamowaad gaa-ayaawaad ishkongiganing da-miigiwem zhooniyaa.

## Ani-ozhiitaang ji-mangidechigaadeg Gichi-miikana 17 imaa Kenora

February 2020 gii-izhiseg, Niiwin Wendaanimak niiwin ishkongiganan gaa-maama-wichigewaad imaa anishinaabe miinigoowiziwinan gaye ji-izhichigeng imaa, o-gii-ozhibi'anaawaa naasaab inendamowin akiikaan ji-mangidechigaadeg iwe Gichi-miikana 17 imaa Kenora biinish Manidooba gaa-izhi-maajiseg.

Niiwin Wendaanimak maamawi-izhichigewag gaa-ogimaawiwaad imaa Shoal Lake 40, Waashaagamis Ishkongigan, Wazhashkongigan Ishkongigan gaye Niisaa-jiwan Anishinaabe Dazhiikewin.

Iwe mazina'igan gii-gichi-inendaagwan ji-maajichigaadeg iwe Gichi-miikana 17 izhichigewin gaye ji-onji-wiidookodaadiwaad eyaawaad imaa ji-ozhichigaadegin miikanawan, ji-wawezhichigaadegin weweni.

Ontario gaye owiidanokiimaan Iskatewizaaga'igan #39 imaa bezhig izhichigewin gaye da-wiidanokiimidiwag ji-ozhitoowaad gegoonan. Akiikaan gaye oganoonaawaa' Metis Nation of Ontario ji-ozhiitaawaad ji-maaji-toowaad owe izhichigewin.







## Ge-izhi-onzhishing Ji-bimi-ayaawaad Awiyaq Wiji'iwewinan

**10.** Saa-ozhichigaade anokiiwi-izhichigewin ge-niigaanishkamowaad MTO gaye oodena-ogimaag, anishinaabe ishkonganan gaye godak gaa-niigaaniiwaad ji-minochigaadeg gakina bimi-ayaawin omaa Giiwednong Ontario. Iwe izhichigewin bimi-ayaawin da-dazhiikigaade gaye aaniin omaa Giiwednong Ontario ge-izhi-minosegiban ji-mino-babaami-ayaawaad awiyag ji-debinamo-waad maawach gaa-gitaabadakin wiji'iwewinan.

**11.** Nawach babenag ji-izhichigaadeg ji-boozing basing (ICB) ji-izhaang gaawin aapiji gaa-izhi-izhaasigwaa basag, gewiinawaa gakina ji-aabajiaawaad. Nawach ji-wendak ji-aabajichigaadeg iwe ICB da-izhichigem nawach ji-wendak oshki-bimi-ayaawin ji-wiji'aawaad gaa-wii-booziswaad, nawach babenak ji-izhiseg bimi-ayaawin.

**12.** Akiikaan imaa ONTC o-gii-izhitoonaawaa niizhwayak ji-ipizowaad basag wedi White River gaye Animikii-Wiikwedong, gaye Animikii-Wiikwedong gaye Winnipeg ji-gashkitoowaad awiyag ji-ando-anokiiwaad, ji-izhaawaad aakoziwigamigong gaye godak wiji'iwewinan.

**13.** Akiikaan gaye o-gii-izhitoon ONTC imaa MTO ji-aanjiseg imaa Ogimaawining gaa-naagajichigaadeg Waasigan, Giiwedn Anokiiwin gaye Asiniikewin (ENDM). Amii akiikaan ezhi-gashkitood ji-niigaanishkang gakina ogimaa izhichigewinan ji-ozhichigaadeg bimi-ayaawin ji-gashkitoowaad awiyag ji-bimi-ayaawaad babenak ji-izhiseg iwe maamawichigaaniwang.

**14.** E-ani-mino-ayaang iwe GOOBID-19 aakoziwin, Bimiwidaasowin Gaanada gaye

## Ontario Giiwednong Bimi-ayaawin Maamawi-izhichigewin (ONTC)

Iwe ONTC Ontario Ogimaawin odibendaan imaa dash April 1, 2020 gii-izhiseg, gii-wiindamawaawaan Bimi-ayaawin Ogimaan ogimaawigamigong. Iwe izhichigewin wiji'iwemagan ji-minoseg bimi-ayaawin memindage go omaa Giiwednong Ontario.

Iwe ONTC wiji'iwemagan ji-ayaamagak bimi-ayaawin ji-booziswaad awiyag ishkode-odaabaan godak odaabaan, miinawaa godak dinookaan odaabaan (Cochrane Station Inn) gaye ji-ozhichigaadegin gaye wawezhichigaadegin odaa-baan gaye gaa-bimiwijiigemagakin odaabaan gaye maajiishkaachiganan. ONTC izhichigewinan izhaamaganoon giiwednong ji-minoseg bimi-ayaawin ge-izhi-bimiwijiigaadegin gegoonan gaye ji-booziswaad awiyag ji-izhaawaad aakoziwigamigong gikino'amaadiwigamigong gaye godak dazhiikewinan.

ONTC oda-asaan zhooniyaan ji-aabadizid miikaanaang ji-minosemagak bimi-ayaawin Giiwednong daabishkoo aazhoganan gaye anaamikana gaa-bimising ge-inaazhigawig nibi ishkode-miikanaang Cochrane biinish imaa Moosoniing.

ENDM da-wiidanokiimidiwag ji-andonewaawaad zhooniyaan ge-aabadizid ji-wiji-indwaa gaa-bimisemagakin gaa-dibendamowaad waasa giiwednong Giiwednong Ontario ji-gashkichigaadeg ji-ipizong.



**15.** Babenak ji-izhiseg bimi-ayaa-win oodenaansing Giiwedining akiikaanan ji-wiiji-iwemagakin ji-asaawaad zhooniyaan imaa Asind Zhooniyaa imaa Gaanada Miikanaakewin Izhichigewin (ICIP).

**16.** Zoongitooon jiminooseg bimi-ayaa-win gaye gikinawaajibii'iganan gaye ji-mino-nagishkodaadiwaad gaa-bimi-ayaaawaad. Nawach da-minose ji-aan-ike-booziwaad gaa-bimi-ayaaawaad imaa Giiwedining Ontario ji-aabajitoowaad gaa-daswewaanagakin ge-izhi-booziwaad.


**17.** Wiidanokiimindwaa Metro-linx gaye ONTC ji-giizhichigaadeg zhooniyaakewin ji-ayaaad miinawaa ishkode-odaabaan Giiwedining Ontario. Akiikaan nawach gagwe-gi-taatabanokii ji-wiidanokiimaad ONTC ji-maajii-ganawaabandamowaad ONTC gaa-dibendang odaabaan-ikana jii'igiyaa'ii North Bay inake. Amii owe ge-izhi-gikenjigaadeg wegonen ge-andawenjigaadeg ji-minoseg ji-izhichigaadeg nawach ji-minoseg ishkode-odaabaan ji-aabadizid nawach niigaan ani-akiiwang.

**18.** Wijitooon ji-ayaaamagak bimi-ayaa-win Giiwedining gaye nawach niibiwa awiyag ji-aabajitoowaad iwe Ontario Wasiganibimide Daaks Izhichigewin. 2019/2020 gii-izhiseg gegaa \$9 biniyan gii-asaa giiwedining dazhiikewining.

2019 gii-izhiseg Elliot Zaaga'iganiing gii-aabadizi awashime \$90,000 ji-adaawewaad niswe gichi-odaabana', Gichi-Sudbury gii-miigiwe awashime \$1.5 miniyaa ji-adaawewaad odaabaanigamig, wawezhichigewin gaye niigaani-ganawaabanjigewin, gaye Waaninaawagaang awashime \$37,000 o-gii-aabaji'aawaan jji-adaawewaad gichi-odaabaanan.

## Asind Zhooniyaa Gakina Awiya Ji-bimi-ayaaad

Nitam gii-dazhiikigaadeg owe ji-asind zhooniyaa bizaanigo gakina away ji-babaami-ayaaad, Gichi-ozhichigewin Gaanada gii-ikido 46 izhichigewinan imaa 11 dazhiikewining Giiwedining Ontario ngojigo \$52 miniyaa ji-aabadizid zhooniyaa akiikaaning ji-onjised. Gii-ikidom ji-ozhichigaadeg gichi-izhichigan Gichi-Sudbury gaye ge-izhi-bimoseng gaye ge-izhi-bimaagoweba'odizong imaa North Bay gaye odaabaanag imaa Greenstone gaye Huntsville, gaye Wazhashkonigamiing, gaye Baawiting gaye Dimiskaming gaye Animikii-Wiikwedong gaye Timmins.



# Gaa-wii-debinigaadeg 2: Ji-onji-ozhi'ind Zhooniyaa

Giiwedonong Ontario daa-onji-zhooniyaakem aabajichigaadeg bimi-ayaawin ge-onji-bimiwijigaa-degin gegoonan. Gaye GOOBID-19 gii-ayaamagak gichi-inendaagwan akiikaan gakina gegoon ji-gagwe-izhichigemagak ji-minoseg bimi-ayaawin gaye zhooniyaakewin gaa-izhi-niizhigin.

Amii owe Ontario akiikaan wenji-gagwe-wijiwaad ji-zoongichigaadeg zhooniyaakewin Giiwedonong Ontario gaye ji-giiwe-zoongigaabawying ishkwaaseg iwe GOOBID-19 ji-wiji'ind gaye anishinaabe.

## GOOBID-19 Giiwe-Zoongigaabawin

**19.** Daa-wawezhichigaadewan nishwaaswi gichi-miikanawan Giiwedonong Ontario, awashime \$10 miniyan ji-ozhichigaadegin anokiiwinan gaye nawach niibiwa zhooniyaakewin. Owe anokiiwin da-wawezhichigaade miikana gaye ji-baashkidewisigewaad gichi-miikanaang miziwe Giiwedonong Onyario, wawezhitoowaad aazhogan imaa CN anaamakamig gaa-ayaag aazhogan zhaawanong jiigi Animikii-wiikwedong, ji-wa-wawezhichigaadeg Gichi-miikana 17 gaye New Liskeard gaye Sudbury gaa-ayaag gaye ji-bishagibinind asin imaa Gichi-miikanaang 17 waabanong Nipigoning.

## Nawach ji-wendak Da-izhichigaade

**20.** Da-izhichigaade oshki-izhichigewin ge-izhi-maamawi-zaagijisemagak gaye gagwejiitoowaad - aabiding eta, bezhig gagwejiwin, bezhig ji-izhiseg - gichi-odaabaana' gaa-bimibizowaad. Da-ishkosewag zhooniya igi gaa-bimibizowaad gichi-odaabaana' gaye nawach ajina da-izhise bimibizowin ge-onizhishing.

**21.** Oshkiya'ii izhichigewin da-aabajichigaade ji-gaganoonidiwaad ji-ozhibii'amaadiwaad 24/7 nawach ji-wendak ji-aabajichigaadegin gichi-ogimaa owiji'iwewinan. Daabishkoo owe:

- Gaabimibizod Odaabaanan Mazina'igan (CVOR) mooshkinebii'iganan.
- Ono Endaso-biboon Gaa-michaagin/Gaa-gozigokin (O/O) bagidiniwewinan
- Ono O/O aabiding izhawin bagidiniwewinan.





## Ge-minoseg Gagwejiwinan

**22.** Da-wiidanokiimaawag gaa-dagwiiwaad gaye gaa-bimiwijigewaad ji-giiwe-zoongichigaadeg gii-booziiwaad awiyag gichi-jiimaaning zhooniyaakewining. Da-wiidanokiimaa Ganada Ogimaa ji-na'isijigaadegin inakonigewinan booziiwi-ning gichi-jiimaaning Gichi-Zaaga'iganing.

**23.** Da-izhichigaade ji-minosemagak babaami-ayaawin ozhiitaang ji-wawezhichi-gaadeg Giiwedining Ontario bimi-ayaawin.

## Da-wiiji'aawag Anishinaabeg gaye Zhooniyaakewinan Ji-minosegin

**24.** Nawach niibiwa ji-onji-zhooniyaakewaad Anishinaabeg Wiisaakodewininiwag gaye Eshkiimeg. Iwe Anishinaabe Wiiji'iwewin Izhichigewin da-onji-wiidookawaawag Anishinaabeg ji-zhooniyaakewaad wiijitoowaad Ontario gaye naasaab. Daabishkoo:

- Gaa-ginoogamaag 58 Ishkonigan ji-niizhookamong ji-wawezhichigaadeg Gichi-miikana 11.
- Andomaawag ji-ikidowaad Area Maintenance Nakobii'igan ji-dagwiiwaad gaa-ayaawaad dazhiikewining Robinson Superior Treaty inake.

## Nawach Babenak Ji-gagweji'indwaa Gaa-bimibizowaad Anishinaabe Ishkoniganing

**25.** Babenak Ji-gagweji'indwaa Gaa-bimibizowaad Anishinaabe Ishkoniganing waasa giiwedining gaa-ayaagin. Owe daa-izhichigem:

- Da-gikino'amawaawag

Anishinaabeg ji-nitaa-bimibizowaad Class G1 ji-gagweji'indwaa gaye Class G1 miikana gagweji'iwewin giiwedining ishkoniganing.

- Class G1 bimibizowin gagweji'iwewin da-doojigaade gaa-dazhi-gagweji'indwaa gaa-wii-debinamowaad bimibizoo-mazina'iganens – ji-anishinaabemong, ji-anishini-niimonaaniwang, ji-omashkiigoomong ji-ozhibi'igaadeg gaye.





## Gaa-wii-debinigaadeg 3: Weweni Ji-ayaawaad Awiyag gaye Ji-minoseg Bimi-ayaawin

Miikanawan Ontario maawach onizhishinoon omaa Giiwedining America Awashime 20 daso-biboon gidakiinaan maawach naanan gaa-onizhishingin miikanawan Giiwedining America inenjigaade. Ji-onizhishing bimi-ayaawin aapiji gichi-anokaajigaadewan miikanawan gaye gich-miikanawan ewawezhichigaadegin gaye apanego.

Owe niswe gaa-dazhinjigaadeg gaa-wii-debinigaadeg da-babaami-ayaawag weweni awiyag wegonen igo dinookaan bimi-ayaawin aabajitoowaad. Da-gikenjigaade gii-adaawaanindwaa ikwewag miikanaang, ji-wawezhichigaa-degin ezhi-gibichiing gaye ji-wawezhichigaadegin miikanawan.

**Da-wiindamaagem Ji-minochigaadeg Bimi-ayaawin Ji-minoseg bimiwijigaadegin Gegoonan gaye Ji-bimi-ayaawaad Awiyag weweni**

**26.** Da-wiidanokiimaawag awiyag gaa-bimaawadaasowaad (gaye godak gaa-dagwii-waad bimi-ayaawining), Anishinaabe dazhiikewinan

gaye maamawichigewinan gaye godak gaa-maamawichigewaad ji-gikenjigaadeg gii-adaawaazowaad ikwe-wag miikanang iwe Ontario Anti-Trafficking Izhichigewin. Da-dagwiiwag Anishinaabeg dazhinjigaadeg gii-adaawaanindwaa ikwewag miikanaang mii aaniish gaa-ikidoomagak ji-izhichigeng imaa (MMIWG) Gaa-nanaando-gikenjigaadeg Gaa-izhisewaad Anishinaabekweg gaye Ikwezensag Gaa-mikawaa-siwindwaa gaye Gaa-gii-nisindwaa, wiindamaagewin ji-gikenjigaadeg. Da-ganawaabanjigaadewan gaa-izhi-bimi-ayaang gaye gaa-izhi-gibichiiwaad gichi-odaabaana' gaa-bimibizo'aawaad gaye gaa-izhi-gibichiiwaad gaye ishkode-odaabaanakanaang jiimaaning, gaye godak bimi-ayaawinan. Akiikaan da-izhichige nawach ji-onizhishing iniwe gaawiin ji-maanzhidoowindwaa anishinaabekweg, ji-ategin waasikwanenjiganan, ji-achigaadegin gaa-mazinaa-tesijigemagakin ji-waabanjigaadeg giishpin gegoon maanzhikamigak gaye ji-ach-igaadeg wiindamaagewin National Trafficking Hotline.

**27.** Ji-ayaamagak wiindamaagewin weweni ji-bimi-ayaawaad awiyag aaniin ezhiwebak, aaniin ezhiyaag miikana giishpin gaa-bitakoshing awiya gemaa ayaamagak weba'aagonewin gemaa wawezhichigaadeg miikana weweni ji-bimi-ayaawaad awiyag. Ontario owe wii-izhichige:

- Nawach babenak ji-wiindamaageng ezhisemagak miikanaang gaye ezhiwebak Ontario 511 ji-gagwejichigaadegin oshki-aabajichiganan gaye ji-wiidookaageng oshki-aabajichigaan daabishkoo Waze gaa-izhinikaadeg.
- Ji-wiidookawindwaa dazhiikewinan gaye ishkonginan ji-mino-aabajichigaadegin gaa-aabadakin ji-gikenjigaadeg wiindamaagewin gaye oshki-izhichigewinan gii-bimiwijigaadegin gegoonan gaye bimi-ayaawin.

### **Ji-asind Zhooniyaa Ji-minochigaadegin Gaa-izhi-gibichiing**

Akiikaan o-da-ozhitoonan 10 oshki-gibichiiwinan dago 11 gaa-ayaagin aazha ji-wawezhitoowaad omaa Giiwedonong Ontario. Amii waa-izhichiged ogimaa nawach babenak ji-odis-idiwaad dazhiikewining gaa-ayaawaad, ji-minochigaadegin gichi-miikanawan ji-minosemagak bimi-ayaawin. Gakina ono izhichigewinan da-giizhichigaadewan 2025 izhiseg.

### **Giiyaabi da-wawezhichigaadewan Giiwedonong Gichi-miikanawan Gii-biboong**

**28.** Da-achigaadewan nishwaaswi oshki-izhichiganan Gichi-miikanaang 11 gaye 17 ge-onji-gikenjigaadeg ezhiwebak maamaw 14 ji-dasingin Giiwedonong Ontario dago 16 nawach ji-agaasingin ini. Nawach babenak da-izhi-gikenjigaade ezhiwebak aabajichigaadegin ini, ji-giken-damowaad igi gaa-bimibizowaad gii-bibooninig gii-anokiiwaad.

**29.** Nawach niibiwa da-aabajichigaadewan gaa-ningizowemagakin jibwaa-gichi-zoogipog nawach ji-wendak ji-weba'aagoneng ishkwa-gichi-zoogipog.

**30.** Giiyaabi da-minochigaade gii-weba'aagoneng gaye ji-minomokin miikanawan ji-adaaweng oshki-aabajichiganan giishpin andawendaamong.

**31.** Nawach ji-minochigaadegin Gichi-miikanawan 11 gaye 17 ozhichigaadeg ji-nan-aaandawigikenjigaadeg aaniin ge-izhi-minochigaadegin miikanawan gaye ji-gikenjigaadeg aaniindi ge-izhi-minosegiban ji-wawezhichigaadegin miikanawan ji-onishizingin biboong. Da-ganawaabanjigaade gaye aaniindi ezhi-zanagak ji-minochigaadegin miikanawan ji-de-onizhishingin.

### **Da-minochigaadewan Miikanawan miziwe Giiwedonong Ontario**

**32.** Giiyaabi da-asaa zhooniyaa ji-minochigaadegin gaa-izhi-gibichiing miikanaang Giiwedonong, gaye ge-izhi-asaawaad odoodaabaaniwaa' ji-minoseg. Gaa-izhi-gibichiing mii imaa ezhi-anweshinowaad gaa-bimibizowaad, waawaaba-maawaad odoodaanaaniwaa' gaye izhi-bii'owaad gichi-izhiwebak.





**33.** Ontario o-gii-atoonaawaa izhichigan (Drivewaze) akiikaaning 32 gaa-dasingin Gaa-izhi-gibichiiwaad Gichi-odaabaanag (TIS). Akiikaan o-da-asaan zhooniyaan ge-izhi-waawaabamindwaa anokiiwi-odaabaa-nag miziwe Giiwedining ji-minobizowaad odaabaanag gaa-aabajitoowaad miikanawan.

Akiikaan gaye o-da-atoonaawaan izhichiganan niiwin TIS odaabaan gibichiiwining Ontario ji-nanaand-waabamindwaa odaabaanag gaa-minobizisigwaa gemaa gegoon gaa-izhi-maanzhibizowaad. Ishkwaa-waabandamowaad ezhisegin ini izhichiganan akiikaan o-da-atoonan giyaabi ini izhichiganan bakaan ngoj.

**34.** Giyaabi da-gagwe-mikigaade aaniin nawach ge-izhi-minochigadegin gichi-miikanawan akiikaaning ji-zhizhoobiiga'igaadegin miikanawan nawach ji-waabanjigaadegin gaye ji-ayaamagakin gaa-waawaatesegin. Gaa-aabajitood akiikaan ji-zhizhoobiiga'ang miikanawan gaa-dazhinjigaadeg bebakaan izhinaagwakin zhizhoobiiga'iganan gichi-miikanawan giwedining.

**35.** Da-ganawaabanjigaadewan gaa-izhi-gaashipoobizong miikanaang memindage Giiwedining-waabanong Ontario gaa-izhi-niizhomokin gichi-miikanawan. Nawach babenak da-ayaawan gichi-miikanawan gaye da-ozhichigaade anokiiwin ozhiitaawin ji-minosegin gaa-niizhomokin ji-gaashipoobizing weweni.

**36.** Ji-debinigaadeg ji-izhichigeng gaa-inaakonigaadeg *Ishkode-odaabaan Weweni Bimi-ayaawin Inaakonigewin*, ji-wiiji-ikidong nawach ji-minoseg gaa-izhi-gakamibizong ishkode-odaabaanikanaang gaye akiikaaning inake.

## **Ji-asind Zhooniyaan Gaa-izhi-waawaabanjigeng**

Oshkiya'ii gaa-izhi-waawaabamindwaa anokii-odaabaanag da-achigaade Gichi-miikanaang 11/17 waabanong Animikii-wiikwedong. o-da-gashkitoonaawaa da-koniwewininiwag ji-waawaabamaawaad anokii-odaabaana'ningaabi'anong gaa-ipizowaad Animikii-Wiikwedong onji. Dago gaye da-ayaawan ge-izhi-waawaabamindwaa odaabaanag gaa-izhi-gibichiiwaad ji-anwebiwaad ji-on-izhishing ge-dazhi-waawaabamindwaa odaabaanag giwedining gichi-miikanaang.



**37.** Da-wiidanokiimaawag oodenaansan gaye godak awiyag ji-izhichigaadegin waasikwanenjiganan gaa-izhi-gakamibizong ishkode-odaabaanikanaang gaye gaa-izhi-gibichiing gaye gaa-izhi-anwebing gaye ji-gagwe-mikigaadeg godak dinookaan waasigan bagwajiyaa'ii inake daabishkoo giizis waasigan.

**38.** Giiyaabi da-wiidanokiimaawag oodenaansan gaye oodenaawan gaye godak ji-achigaadegin waasikwanenjiganan gaa-gii-ikidowaad gakina igi ji-diba'amowaad ji-naagajichigaadegin.

**39.** Giiyaabi ji-nanaandogikenjigaadeg aaniin ge-izhi-wijii'indwaaban ji-mino-bimi-ayaawaad gaa-gitaadiziwaad, gaa-gidimaagiziwaad gaye godak daabishkoo gaa-maakiziwaad awiyag.

## O-da-wijii'toonaawaan Giiwednong Ontario Bimisewigamigoon

**40.** Da-wijii'aawag igi bimisewigamigoon aanissh gitaabadanoon ini gii-zakideg gaye gii-zaagjiwinind awiya gii-gichi-wiisagishing gemaa gii-gichi-aakozid gemaa dakoniwewininiwag gaye gii-bimi-ayaawaad awiyag gemaa gii-bimaawadaasong ji-bijigaadegin gegoonan gichi-oodenaang onji.



# Gaa-wii-debinigaadeg 4: Ozhiitaang Ani-akiiwang

Niibiwa inake daa-aanjichigaade Giiwedonong Ontario bimi-ayaawin aabajichigaa-degin oshki-aabajichiganan. Oshki-aabajichiganan daabishkoo gaa-gizhiiseg daataanginigan giigidowin ozhibiifigan da-onji-wenjise bimaadiziwin ji-aabajitoowaad awiyag oshki-aabajichiganan ji-mino-bimi-ayaawaad. Nawach da-mino-bimi-ayaawag wegonen igo dinookaan bimi-ayaawin aabajitoowaad. Bagwajiyaa'ling gaa-ayaawaad awiyag nawach aayaapii eta daa-babaami-ayaawag giishpin aabajitoowaad oshki-aabajichiganan nawach da-onji-zhooniyaakenaani-wan gaawiin memwaach waasa ji-izhaang.

Andawenjigaade ji-aabajichigaadegin oshki-aabajichiganan bimi-ayaawining daa-bishkoo gaa-bimibizomagakin odaabaanan gaye bakaan dinookaan waasigan gaa-aabadakin ji-bimibidegin daabishkoo ge-ani-izhinaagoziwaad odaabaanag ani-akiiwang.

## Babenak da-izhichigaade Broadband gaye Cellular Izhichiganan

Broadband gaa-izhinikaadegin oshki-aabajichiganan noongom gaa-ani-aabajitoowaad gaye Ontario gaa-ayaawaad o-da-ani-bagosendaanaawaa nawach ji-zxhiibideg iwe oshki-aabajichiganan ji-bimaadiziwaad ji-anokiiwaad gaye ji-babaami-ayaawaad. Babenak wiji'iwewinan ayaagin da-onji-minose zhooniyaakewin gaye anokiiwin gaye ji-ondinigaadeg wiji'iwewin ogimaang onji gaye nawach ji-onizhishingin miikanawan gaye gichi-miikanawan Ontario, memindage waasa giiwedonong.

## Ontario 511 aap o-da-aabajitoonaawaa gichi-odaabaana' gaa-bimibizowaad ge-izhi-gibichiiwaad ji-anwebiwaad.

Ontario 511 aap da-onjiimagan wiindamaagewin gakina gaa-bimibizowaad ji-gikendamowaad ezhinaagwak gaye enakamigak gichi-miikanaang Ontario.

Gaawiin da-diba'igaadesinon iwe Ontario 511 aap ji-debinamowaad wiindamaagewin bimi-ayaawaad akiikaaning. Iwe aap awashime 600 mazinaakiziganan gii-onji-mazinaakizigaade ezhinaagwak aki, ezhiwebak gaye gaawiin memwaach ji-aabajitoosiwan gininjiin bimibizoyin.

**41.** Ji-wiji'indwaa awiyag ji-ozhiitaawaad gaye ji-babaami-ayaawaad, Ontario da-miigiwe \$680 miniyaa daswaabik ji-debinigaadeg nawach wenzhishing oshki-aabajichiganan broadband gaye cellular gaa-izhinikaadegin miziwe Ontario. Awe zhooniya dago \$315 miniyaa daswaabik da-miigiwem imaa Up to Speed gaa-izhinikaadeg: Ontario Oshki-aabajichiganan Broadband gaye Cellular Ozhiitaawin. Akiikaaning awe zhooniya ge-aabadizid imaa Ji-izhichigaadeg Aanikechigewin Ontario (ICON) \$300 miniyaa daswaabik da-miigiwem. Awashime 1.4 miniyaa awiyag ga-ayaawaad Ontario giiwedonong bagwajiyaa'ling gaawiin odayaasinaawaa oshki-aabajichiganan broadband gaye cellular gaa-izhinikaadeg gaye gaawiin debinigaadesinon ngoding gii-bimibizong gichi-miikanaang, akiikaan dash wii-wiji'iwewe oshki-zhooniyaakewin ji-ayaamagak nawach babenak ji-izhi-bimaadiziwaad awiyag gaye odinawemaaganiwaa' waasa bagwajiyaa'ling miziwe Ontario.

## Gaa-bimibizomagakin odaabaanan gaye Bakaan Gaa-onji-bimidegin

Aazha gizhaatabi-aanjisemagan oshki-aabajichiganan bimi-ayaawining, Ontario dash ozhiitaamagan ji-minoseg bimi-ayaawin ji-aabajii'indwaa ogo oshki-odaa-baanag omaa miikanaang. Enanaando-gikenjigeng gaye egagwejichigeng akiikaan oganawaabandaanaawaa wegonen ge-aabadak ji-aabajii'indwaa igi oshki-odaabaanag, daabishkoo gaa-bagakinaagwak zhizhoobiiga'igan gaye gikinawaajichiganan, wegonen igo ge-aabadak ji-aabajitoowaad ogo oshki-odaabaanag.







**42.** Da-ozhiitaam ji-aabadakin odaabaanan gaa-bimibizoomagakin miika-naang giiwedining bimi-ayaawin gaye ji-aabajichigaadegin ini dinookaanan waasa ji-biijigaadegin gegoonan gaye wiiji'iwewinan.

**43.** Da-izhichigaade ji-ozhichigaadegin gaye ji-gagwejichigaadegin ini dinookaanan odaabaanan gaa-bimibizoomagakin ji-bimaawadaasong gii-zanagak gii-biboong iwe WinterTech gaa-izhinikaadeg Ontario Bikish Odaabaan Oshki-izhichigewin (AVIN).

#### **Waasiganing Gaa-onji-bimibizowaad Odaabaanag**

**44.** Ji-ziidoshkigaadeg ge-aabadak bimi-ayaawin niigaan gi-daa-naagada-waabandaamin ini gaa-izhi-gibichiinaaniwang ji-mooshka'oojigeng ba-kaan dinookaan aaniish da-ani-aabadan daabishkoo waasigan, gaawiin wiin eta waasigani-bimide aaniin gaye ge-izhi-zhooniyaakeng.

**45.** Ogimaa o-da-wiidanokiimaa' awiya' ji-aabaji'aawaad odaabaana' gaa-wiin waasiganibimide gaa-aabajitoosigwaa ji-onji-minoseg gaawiin gaa-maanzhisemagak ji-izhisesinog ishpiming daabishkoo noongom.

#### **Ji-odaapinigaadeg Nanandogikenjigewin**

**46.** Anokiwi-odaabaan Aginjigewin gii-maawadoonigaade Giiwedining Ontario 2019

#### **Gaa-ishpibidegin mazinaatesijiganan: oshki-aabajichigan.**

Gaa-ishpibidegin mazinaatesijiganan – RPAS izhinikaadewan ini noongom – aazha ani-aabajichigaadewan omaa Ontario oshki-aabajichiganan ji-aabadakin Ontario bimi-ayaawinong. Ono oshki-aabajichiganan da-gitaabadanoon ji-bimaawadaasowaad gichi-odaa-baanag memindage waasa giiwedining ezanagak ji-gashkichigaadeg bimi-ayaawin. Aazha noongom aabadanoon ini dinookaanan Ontario ji-bimaawadaasong ishkonganing giiwedining. MTO Ogimaa giyaabi onaagadawaabandaan ji-gikendang aaniin ge-izhi-minose-giban ji-aabadakin ini gaa-ishpibidegin mazinaatesijiganan.

gii-izhiseg, gii-gitaabadan iwe ji-gikenjigaadeg aaniin ezhi-bimaawadaasowaad gichi-odaabaanag gaye wegonen. MTO Ogimaa giyaabi o-nanaandogikendaanaawaa aaniin ezhiseg bimi-ayaawin gaye wegonen endawenjigaadeg Giiwedining.



# Gaa-wii-debinigaadeg 5: Ji-ganawenji-gaadeg Ge-minoseg Bimi-ayaawin

Ge-minoseg bimi-ayaawin da-onizhishin ji-onji-zhooniyaakeng ji-ozhichigaadeg anokiiwin gaye dibenindizowin Giiwedonong Ontario gaye ji-bekag gaa-bagida-naamoyin ji-ayaawad ge-bimaadiziwaad ani-akiwang. Owe gi-ga-izhi-nanaandowaabandaamin ge-naabishkigaadegin gete-aabajichiga-nan ji-aabajichigaadeg wenzhishing noongom. Gi-ga-aabajitoomin meniganaakoon ji-onji-bichibizosigwaa awensiwag miikan-aang, gaye ji-odaapinigaadegin agaamakiing gaa-onjiimagakin mayagimashkosiin gaa-nitaawigingin jiigikana gaye ezhi-maanzhiseg noongom gaa-izhiwebak.

## Izhichigewinan

**47.** Giiyaabi da-bakwadakiibjigaadewan mayagi-mashkosiin gaa-nitaawigingin jiigikana gichi-miikanaang. Wii-mooshka'an ngoding miikanaang giishpin nitaawigingin ini mayagi-mashko-siin, gibisinoon, onji-biigoshkaa miikana, gaye daa-zakide gichi-miikana giishpin ozaamiinadakin ini mayagi-mashkosiwan. Giiyaabi akiikaan o-da-gagwe-gibitinaanan ini dinookaan mayagi-mashkosiin gaye godak mayagi-gitigaanan gaa-nitaawigingin omaa agaamakiing gaa-onjiimagakin.

**48.** Da-izhichigaade ji-izhitamawindwaa awiyag gaa-bekag ji-aabajichigaadeg gii-bimibizong ji-ayaag Giiwedonong Ontario gaye anishinaabeg ji-ayaawaad waasigan ji-aabajitoosigwaa diizan ga-izhinikaadeg waasiganibimide, ji-asho-aabajitoowaad waasigan ji-bimibizowaad odaabaaning.

**49.** Giiyaabi da-ozhichigaadewan meniganaakoon ji-onji-bichibizosigwaa awensiwag aazhawishkaawaad gichi-miikanang 69 gaye mangadechigaadeg iwe. Ani-mangichigaadegin gichi-miikanawan owe da-izhichigaaniwan.

**50.** Da-aabajichigaade maawach oshki-gikendaasowin ji-doodamowaad ge-onizhishing daabishkoo Ontario Akiikaan Gaa-aanji-izhiwebak Enishkaagemagak (PCCIA) ji-izhichigaadeg bimi-ayaawin ji-minoseg ani-aanji-izhiwebak, aaniin ge-inishkaagemagak gaye ge-naniizaanadak.



## Minwajimowin - Gichi-miikana 69 awensi-aazhawishkaawin

Ontario ogagwejitoonaawaa ji-bimaaji'aawaad awensiwa' gaa-aazhawishkaanid gii-ozhitoowaad gichi-miikanawan. Gii-mangitoowaad Gichi-miikana 69 imaa Lovering Ziibiins Aazhoganing gaye Namegosi-zaaga'iganing, akiikaan ogii-atoon 10 km meniganaak gaye awensi-aazhawishkaawin imaa gichi-miikanaang, 73% minik gaawiin aapiji bichibizosii-wag awensiwag. Onji-bimaaji'aawag awensiwag gaye gaa-bimibizowaad bekish dash gii-bimaawadaasong imaa gichi-miikanaang.

**51.** Da-wawezhichigaadewan aabajichiganan gemaa oshkiya'iin da-achigaadewan akiikaaning Giiwedonong Ontario 10 daso-biboon izhiseg ji-mino-weba'aagoneng gaye ji-ningizo'ind mikom miikanaang. Da-ozhichigaadewan ozhibi'iganan ge-aabadakin ji-naagajichigaadegin gichi-miikanawan gaye gaa-izhi-wawezhi'indwaa odaabaanag gaye waakaa'iganan.

**52.** Giiyaabi da-ziidoshkigaadewan gaa-daswewaanagakin miikanaansan bagwadaka-mig weweni ji-aabajichigaadegin, ji-onji-mino-bimaadiziwaad gaa-daawaad miziwe Ontario.

**53.** Ji-nanaando-gikenjigaadeg aaniin ge-gii-izhi-aabadakibaniin oshki-aabajichiganan daabishkoo gaa-ishpaasingin mazinaatesijiganan ji-bimaawadaasong Giiwedonong. Maagizhaa ono oshki-aabajichiganan daa-wiji'iwemaganoon ji-bimaawadaasong niibiwa geoonan giiwedonong dazhiikewining gaa-izhi-zanagak ji-izhaang gii-biboong.

**54.** Ji-izhichigaadeg ginwesh ji-aabadakin jiimaan gaa-izhi-gibichiimagakin gaye ishkode-odaabaanag gaa-izhi-gibichiiwaad ji-maanzhisesinogin aabajichigaadeg iwe Akiikaan Inaakonigewin Ikodowin. Nawach niibiwa geoonan da-izhiwijiigaadewan gichi-oodenaang jiimaaning onji gaye ishkode-odaabaaning owe izhichigeng gaye ji-minoseg bimi-ayaawin nawach ji-gizhaatabiseg.

**55.** Daa-wawezhichigaadewan gaye daa-ozhiitaam gaye daa-ozhichigaadewan oshki-miikanawan Giiwedonong Ontario

maawadoonigaadegin akiikaan gaa-dibendang aki daabishkoo mitaawang gaye asiniinsag ji-aabadakin naanaage. MTO oda-wiidanokiimaan Gaa-ondinigaadeg Akiing gaye Mitigokewin Ogimaa-wiwin (MNR) gaye godak gaa-dagwiiwaad ji-ondinamowaad miaawang gaye asiniinsag ji-aabadiziwaad miikanaakeng akiikaaning.

**56.** Giiyaabi daa-ganawenjigaadewan geoonan daabishkoo gete-waakaa'iganan gaa-gichi-inendaagwakin bekish miikanaakeng.







# Gaa-wii-debinigaadeg 6: Ji-onizhishing Bimi-ayaawin Waasa Giiwedinong

Waasa Giiwedinong ayaamaganon 31 ishkongiganan, niizhin oodenaawan gaye bezhig dazhiikewin Besho Wiiji'iwewin gaa-wiiji'iwemagak waasa inake. Gaawin gakina ono dazhiikewinan odayaasiinaawaan miikanawan, e-michi-aabajitoowaad gaa-bimise magakin gichi-oodenaang wii-izhaawaad. Giishpin gashitoowaad ogo ji-bimibizowaad aaniin igo apii, gaawin wiin eta gii-biboong, nawach da-mino-bimaadiziwag gaye nawach babenak da-zhooniyaake-wag ji-bami'idizowaad babenak Waasa Giiwedinong gii-ayaawaad.

Nawach babenak da-izhise bimi-ayaawin omaa dazhiikewining wawezhichigaa-degin bibooni-miikanawan, minochigaadegin bimisewigamigoon waasa giiwedinong gaa-ayaagin gaye iwe giigidowin cellular gaa-izhinikaadeg ishkongiganing gaye ji-ayaagin miikanawan gabe-gikinoonowin.

## Waasa gaa-ayaagin Bimisewigamigoon

**57.** Giyyaabi daa-asaa zhooniyaa ji-minosegin ini bimisewigamigoon gaye ji-wiindamawindwaa anishinaabeg gaye godak gaa-dagwiiwaad giishpin waa-wa-wezhichigaadegin ini waasa gaa-ayaagin bimisewigamigoon ji-onizhishingin weweni ji-izhisegin.

**58.** Daa-wiiji'aawag gaa-anokiiwaad giiwedinong bimisewigamigong e-ani-ishkwaa-seg iwe Covid-19 aakoziwin ji-minoseg bimi-ayaawin gaye bimaawadaasowin. Gaa-anokiiwaad ji-beki'idizowaad gaye ji-bekag gaa-dananokiiwaad.

## Bibooni-miikanawan

**59.** Daa-naanaagadawaabanjigaade

aaniin ge-izhi-minosegiban gii-bimibizong miko-miing ji-gikenjigaadeg aaniin epiichizigwaak aabajichigaadeg oshki-aabajichigan amii dash nawach weweni ji-izhiseg bimi-ayaawin biboong.

**60.** Ozhiton nawach ji-onizhishingin gaa-aazhawishkaang mikomiing gii-biboong ji-aabajichigaadegin aazhoganan gaye anaamakana ji-bimijiwang nibi ji-minoseg ji-izhaang bagwadakamig gaa-ayaagin ishkongiganing gii-biboong. ENDM gaa-izhinikaadeg o-da-gagwe-wiidanokiimaan gichi-ogimaan ji-wawezhi-chigaadegin ono bibooni-miikanawan waasa giiwedinong gaa-ayaagin dazhiikewinan gii-biboong.

O-gii-niisagindaan gichi-ogimaa waasiganibimide gaa-aabajitoowaad gaa-bimise-magakin gaa-adaawaageng giiwedinong. January 2020 gii-izhiseg owe gii-izhise amii dash ge-izhi-niisagindeg gegoon ge-adaawaadeg Giiwedinong Ontario.



**61.** Da-wiidanokiimaa gichi-ogimaa ji-gikino'amawindwaa awiyag ji-ozhitoowaad bibooni-miikanawan ji-ozhitoowaad gegoon gaye ji-naagajitoowaad miikanawan weweni ji-izhiseg bimi-ayaawin giowedinong gii-biboong.

**62.** Da-wiji'aawag Ontario Akiikaan Dakoniwewiniwag gaye Anishinaabe Aski Dakoniwewiniwag ji-naagajitoowaad bibooni-miikana maagizh-aa awiya gaawiin gwayak bimibizosig gemaa ji-naadamaagewaad.

### Ring of Fire Gaa-izhinikaadeg

**63.** Ontario Ogimaa inendam ji-minoseg zhooniyaakewin imaa Ring of Fire asiniike-wining. Miikanaakewaad imaa Ring of Fire da-gitaabadan ji-onji-gichi-zhooniyaakewaad imaa inake. Ontario giyaabi oda-wiji'aa ini Waabizheshiwi-Baawitigong gaye Webikweng gaa-ayaanid enanaando-gikendamowaad aaniin enishkaagemaganinig gii-miika-naakewaad ji-ayaagin miikanawan gabe-gikinoonowin odazhiikewiniwaang gaye ji-gashkitoowaad ji-izhaawaad imaa Ring of Fire gaa-danakamiganinig. Ontario gaye owiji'aa' Aroland Anishinaabe' ji-wawezhitoonid miikanawan gaa-ayaagin jiigi-dazhiikewining nawach niibiwa awiyag ji-biizhaawaad imaa apii nawach minomog iwe miikana. Gakina ono miikanaakewina da-onji-onizhishin ji-onji-gichi-zhooniyaakeng imaa Ring of Fire asiniikewining.

### Gabe-gikinoonowin Miikanawan

**64.** Daa-ozhichigaade ji-ayaagin gabe-gikinoonowin miikanawan, gaawiin eta bibooni-miikanawan Waasa Giowedinong ji-minoseg bimi-ayaawin apanego.

**65.** Daa-wwiji'aawag Wiindigoo Anishinaabeg Maamawichigewin ji-debinamowaad miikana ge-aabajichigaadegiban gabe-gikinoonowin gawiin eta biboong.

**66.** Akiikaan wii-miigiwe zhooniyaa ji-giminochigaadeg miikana Ogaansi-zaaga'igan-iing Giowedinong Ontario Abajichigan Bimi-ayaawin (NORT). 200 km giowedinong ningaabi'anong Ogaansi-zaaga'iganing daa-ondamon wedi dash Waawiyegamaang ji-inamog ji-wiji'iwemagak ji-ayaamagak miikana ge-aabajichigaadeg gabe-gikinoonowin gaawiin eta gii-biboong. Ozhichigaadeg owe miikana da-naabishkigaade 42-km gaa-akwaag miikana.

### Miikanawan Ishkoniganing Gaa-inamokin

**67.** Daa-maajichigaade wiidanokiimidiwin ji-dagwiid gichi-ogimaa, oodenaansan, Anishinaabeg ji-onwaadamowaad awenen ge-dibendang ini miikanawan gaye awenen ge-naagajitood miikanawan ishkoniganing ge-inamokin gaye imaa akiikaaning inake. Da-ikidoomagan gaye aaniin nawach ge-izhi-naagajichigaadegibaniin ini miikanawan.



# Wiidanokiimindwaa Godak Awiyag Gaa-dagwiiwaad

Da-wiji'idiwag igi gaa-dagwiiwaad ji-debinigaadeg maawach ge-onizhishing bimi-ayaawin gaye ginwesh ge-aabadak ji-onji-minosewaad awiyag odinawemaagan-iwaa' gaye zhooniyaakewinan. Ontario wii-wiidanokiimaa' gichi-ogimaan gaye oodenaansan gaye Anishinaabe' gaye bimi-ayaawin gaa-anokaadamowaad gaye zhooniyaakewinan ji-wiindamaagowaad gaye enendaminid aaniin ge-izhi-minoseg bimi-ayaawin Giiwedonong.

Ontario inakonigaade zhagooch ji-wiindamawaa' Anishinaabe' giishpin gegoon inendaagwak ge-bagamishkaagemagak Anishinaabe nakobii'iganan gemaa Anishinaabe miinigoowiziwinan. Ni-wii-wiidanokiimaanaanig Anishinaabeg gaa-ayaawaad dazhiikewining ji-giizhichigaadeg owe ozhiitaawin.

Gaye ni-wii-wiji'aanaanig igi gaa-maakiziwaad gaye nin-ga-wiidanokiimaanaan gichi-ogimaa gaye gaa-maakizinid gaa-wiji'aawaad gaye gakina gaa-dagwiiwaad imaa. Gakina owe ozhiitaawin da-biminizhaa'igaade gaa-ikidong imaa *Ji-debinamowaad Wiji'iwewin igi Ontario Gaa-maakiziwaad Inakonigewin (AODA) (2) gaye gichi-ogimaa inakonigewin.*

# Miinawaa Ge-izhichigeng

Awiyag gaye zhooniyaakewinan gaa-ayaagin Giiwednong Ontario o-da-ayaa-naawaa nawach ge-onizhishing gichi-miikana, gaye gichi-odaabaaanag bas gaa-izhinikazowaad gaye nawach aaniindigo waa-izhaawaad awiyag. Oshki-aabajichiganan da-aaabajichigaadewan gaye godak awiyag da-dagwiiwag nawach ji-wendak zhooniyaakewinan ji-minosegin gaye bimi-ayaawin. Owe bimi-ayaawin ozhiitaawin da-wiijiwemagan nawach ji-onji-zhooniyaakenaa-niwang Giiwednong Ontario ji-anokiing gaye e-ishkwaaseg GOOBID-19.

Ontario onisidawinaan ji-wiidanokiimindwaa Anishinaabeg, oodenaansan gaye godak gaa-dagwiiwaad ji-giizhichigaadeg owe ozhiitaawin. Amii owe gaa-onji-izhinikaadeg owe gaawin giizhichigaadesinooon – giyaabi aaniish da-ikidowag godak awiyag enendamowaad jibwaa-giizhichigaadeg owe mazinaigan. Wiidanokiimidiying gi-ga-ozhitoomin nawach wenzhishing bimi-ayaawin omaa Giiwednong Ontario.

Akiikaan wii-minotoon bimi-ayaawin gaawin wiin eta Giiwednong Ontario, miziwe go akiikaaning. Owe ozhiitaawin imaa Giiwednong Ontario da-niizhinooon ono dino bimi-ayaawin ozhiitaawinan ge-izhichigeng bebakaan e-inendaagwak miziwe. Odaanaang gikinoonowin, nin-gii-waabanda'iwemin bimi-ayaawin ozhiitaawin Zhaawanong ningaabii'anong Ontario ge-aabadak gaye ozhiitaawinan imaa Waabanong Ontario gaye Greater Golden Horseshoe gaa-izhinikaadeg. Maamaw da-bezhigwan ge-maamawibii'igaadeg bimi-ayaawin ozhiitaawin ge-aabadak Ontario.



Bimi-ayaawin Ogimaawiiwin  
[ontario.ca/northerntransportation](http://ontario.ca/northerntransportation)

ISBN 978-1-4868-4927-7 (HTML)

ISBN 978-1-4868-4926-0 (PDF)

Disponible en français